

50432/P [P.]  
D I S S E R T A T I O

I N A U G U R A L I S,

D E

T H E R M A R U M A N T I Q U I T A T E,  
C O N T E N T I S et U s u :

Q U A M

A N N U E N T E S U M M O N U M I N E,

*Ex auctoritate Reverendi admodum viri*

G U L I E L M I W I S H A R T, S. T. D.

A C A D E M I A E E D I N B U R G E N S I S P R A E F E C T I;

N E C N O N

*Amplissimi* S E N A T U S A C A D E M I C I *consensu,*  
*et nobilissimae* F A C U L T A T I S M E D I C A E *decreto;*

P R O G R A D U D O C T O R A T U S,

S U M M I S Q U E I N M E D I C I N A H O N O R I B U S E T P R I V I L E G I I S  
R I T E E T L E G I T I M E C O N S E Q U E N D I S,  
E R U D I T O R U M E X A M I N I S U B J I C I T

F R A N C I S C U S S W I N H O W, A N G L U S.

Ad diem ix Calend. Novembris 1752, hora locoque solitis.

—res antiquae laudis et artis  
*Ingredior, sanctos ausus recludere fontes.*

VIRGIL. Georgic. ii. 75, 76.

E D I N B U R G I:

Apud HAMILTON, BALFOUR, et NEILL:

M,DCC,LII.




2716699

PRAESTANTI ADMODUM VIRO,  
D. BENJAMINO AVERY, L.L.D.

XENODOCHII A THOMA GUY, CIVIS  
LONDINENSIS, FUNDATI THESAURARIO;  
VARIA DOCTRINA ORNATO;  
BENEVOLENTIA SUMMA ERGA OMNES,  
SEMOTA PARTIUM OBSERVANTIA, PRAEDITO;  
OMNIQUE VIRTUTIS CURA SPECTABILI;

HANC  
DE THERMIS  
DISSERTATIONEM  
DAT, DICAT, CONSECRATQUE

FRANCISCUS SWINHOW.



Digitized by the Internet Archive  
in 2018 with funding from  
Wellcome Library

<https://archive.org/details/b30359119>



# DISSERTATIO

DE

## THERMARUM ANTIQUITATE, CONTENTIS et USU.

### CAPUT I.

#### De THERMARUM ANTIQUITATE.

I. **I**N Thermarum antiquitatem inquisituro, aquae tritissimus usus, atque ad omnium animantium vitam, sanitatem, et quamplurima commoda maxima utilitas, etiamque necessitas facillime ac promptissime sese offerunt. Vix alicubi deficit; in toto terrarum orbe occurrit, vegetabilibus aequae ac animalibus alimentum praebens, et universo rerum ordini utcunque inserviens. In omnibus fere humanae vitae negotiis, quam insigni praestat auxilium, et ad homines sustinendos ac alendos quam apta et necessaria est, nulli non agnoscunt. Hinc nunquam non fuit tempus, in quo variis modis adhiberi oportebat.

2. AB antiquissimis temporibus, artibus nondum inventis, neque primae rerum humanarum conditioni additamentis ullis inductis, fieri non potuit, quin homines prorsus rudes et ignari iis folis vescerentur et uterentur, quae larga manu ubique praebuit benignissima natura, sine ulla, aut cum levissima quadam praeparatione. Postea autem, cum jam artes et studia quaedam excoluissent, communitates instituissent, et e priori suo statu aliquatenus sese expedissent, ipsa ea adhuc utilissima, vel etiam omnino necessaria haberentur; et licet aliquantum variata, et instrumentorum quorundam ope secus exhibita, adhuc tamen in vitae commodum et sustentaculum adhiberentur. Inter alia, haec fors aquae contigerat, quae imprimis potui quotidiano ferviens, vel ad sordes quasdam abstergendas externo corpori applicata, tractu temporis in usum medicinae adhibita, et, sive balnei forma usurpata, sive epota, ad morbos sanandos et arcendos, ad utilitatem et jucunditatem vitae procurandas accommodata fuit.

3. CUM primis igitur artium incrementis invaluisse Thermarum usum haud absurdum videtur: et in illam facile incidemus opinionem, si modo attendamus quam levi negotio ad quemcunque caloris gradum aqua provehi potest, vel quam multis in regionibus aquae sponte calidae e terra profiliunt. Et huic maxime favet antiquissimarum gentium historia, cujus ope dictam sententiam tueri et illustrare nunc operam dabo.

4. In Oriente, prima illa officina gentium, apud Medos, Persas, Syrios, Asiae minoris incolas, &c. balnea calida olim usitata fuisse valde probabile est. Homines orientales, luxuriae et deliciis deditissimos, omneque genus voluptatem carpentes non latuisse posse videtur horum usus; quippe ex eo corpori haud levis conciliatur delectatio. Hinc per omne aevum cum illis, quae luxui ministrant, Thermae annumeratae fuerunt. Xenophon Persarum aliorumque Asiaticorum molles et degeneres mores describens, ait, pocillatores, balneatores, et ejusmodi homines a magnatibus prae caeteris aestimari (a); et innuit hanc mollitiem a Medis, apud quos primum viguerat, ad Persas aliosque transiisse (b). Nemo non noscit sub Persarum imperio increbuisse luxuriam: et inter alia tunc temporis Thermas in deliciis habitas fuisse vel ex eo patet, quod Darius illis etiam in castris uteretur, uti auctor est Plutarchus, qui Alexandrum post praelium in Cilicia commissum easdem intrasse enarrat (c).

5. Si vulgato interpreti, et nonnullis ab Hieronymo memoratis fidem adhibere velimus, in Palaestina Thermas ab antiquissimo aevo innotuisse, agnoscere debemus. Ita enim illi exponunt locum istum, in quo Ana legitur *את הימים* *etb hajemim*  
in

(a) Cyropaed. lib. viii. 56.

(b) Ibid. 55.

(c) In vit. Alexand. Magn.



in deserto invenisse (d). Et annotat doctissimus Bochartus, quod punctis vocabulis nondum ascriptis vice *המים* *hajemim* legi potuerit *המים* *hbemim* Arabico *המים* *hbemim* maxime affine, quod *calidas aquas* sonat (e). Et quidem apud Talmudicos *המים* *hbemim*, vel in regimine *חמי* *bhammei* idem significat a verbo *חם* *bhamam*, calefacere. Nam sic habent *חמי דטבריא* *bhammei de Tiberia*, i. e. calidae Tiberiadis aquae, et *חמת דגדר* *bhamath de Gadar*, i. e. calidum (scilicet balneum) Gadarenum (f). An autem haec interpretatio loci vera sit necne, non multum laboro. Thermas tamen celebres admodum olim in Palaestina fuisse ab iisdem Talmudicis et Eusebio clare constat, qui Thermas Gadarenfes et Tiberienfes memorant (g), ut et a Iosepho, qui loquitur de Thermis Tiberienfibus et Calirrhoënfibus (h). Idemque confirmatum habetur a quorundam locorum nominibus, quae ipfas aquas calidas denotant. Ammaus enim, *חמאי* *bhammai*, est nomen ex *חמי* *bhammei* deflexum; et vicum, Ammaus dictum, prope Tiberiadem, ab aquis calidis nomen accepisse testis est Iose-

(d) Genes. xxxvi. 24. ad quem *Aguas calidas* legit vulgatus. Et Hieronymus in loc. haec habet verba. “Nonnulli putant aquas calidas juxta Punicae linguae viciniam, quae Hebraeae contermina est, hoc vocabulo signari.”

(e) Bochart Geogr. sacr. part. posterior. lib. ii. cap. 16.

(f) Ibid. et Reland. Palaestin. p. 301. 302.

(g) Vid. Euseb. Onomastic. ad voces *Αἰθάρ* et *Γάδαρα*; et ad voces *Ἀνείρ*, *Βηθαναθά* et *Βεελμεών*.

(h) Antiq. Judaic. lib. xvii. cap. 6. 5. xviii. cap. 3. 3. et de Bell. Judaic. lib. ii. cap. 21. 6.

Josephus (*i*) : et vicum Amatha, vel Emmatha dictum, vicinum Gadaris, inde suum traxisse haud dubitari queat (*k*). Praeter haec Ammianus Marcellinus de Thermis Palaestinae luculentum satis testimonium perhibet (*l*).

6. THERMARUM antiquitas ex vetustissimis scriptoribus Graecis abunde patet. Homerus balnea calida uno plus loco commemorat. Andromache calida lavacra jubet Hectori e pugna reversuro praeparari (*m*). Hecamede, Nestoris ancilla, parat calida lavacra (*n*). Inter voluptates et delicias, quibus Phaeaces dediti fuerunt, numerantur Thermae (*o*). Calidum lavacrum Ulyssi parari curat Arete Alcinoi uxor (*p*). Ulysses ipse narrat calidum lavacrum sibi parasse Circes ancillam ad suam lassitudinem adimendam (*q*). Et unum e fontibus Scamandri aqua tepida scatuiffe poeta memorat (*r*). Pindarus de balneis calidis Nympharum, i. e. Himeraeis in Sicilia, loquitur (*s*), quae ab antiquissimis

(*i*) Μεθερμηνευομένη δὲ Αμμάθς, θερμὰ λέγουσι ἂν, ἔστι γὰρ ἐν αὐτῇ πηγὴ θερμῶν ὑδάτων πρὸς ἀκρίαν ἐπιτῆδεός. De Bell. Judaic. lib. iv. cap. 1. 3.

(*k*) Vid. Reland. Palaestin. p. 559. 758.

(*l*) In his tractibus navigerum nusquam visitur flumen, et in locis plurimis aquae suapte natura calentes emergunt, ad usus aptae multiplicium medelarum. Lib. xiv.

(*m*) Iliad. xxii. 444.

(*n*) xiv. 6.

(*o*) Εἴμαλ' αὖ τ' ἐξημοιβὰ, λοστρά τε θερμὰ, καὶ εὐναί. Odyss. viii. 249.

(*p*) Ibid. 451.

(*q*) Ὅφρα μοι ἐκ χάματος θυμοφθόρον ἄλετο γυίων. x. 363.

(*r*) Iliad. xxii. 149.

(*s*) Θερμὰ Νυμφῶν λωτρά. Olymp. xii. 27.



simis temporibus ferebantur Herculi delassato a Minerva, uti quidam, a Vulcano, uti alii, aut, uti nonnulli volunt, a Nymphis monstrata esse ad corpus itinere fatigatum, laboribusque obrutum, reficiendum: alii vero tradunt a seipso haec inventa fuisse (*t*). Hanc historiam sanioribus medicinae principiis exactissime respondere unicuique facile patet. Labor enim vehemens vasa stringit, et rigida facit, humoresque subtiliores dissipando sanguinem in concretas moleculas coire disponit; inde turbatur facilis ac aequabilis humorum circumactio, gignitur ponderis alicujus sensus, occurrunt torpor et lassitudo, et ita constituuntur omnia, ut ad

(*t*) Διεξιόντος δ' αὐτοῦ [Ἡρακλείος] τὸν παράλιον τῆς νήσου, μυθολογῶσι τας Νύμφας ἀνείναι δερμὰ λυτρά πρὸς τὴν ἀνάπαυσιν τὴν κατὰ ὁδοιπορίαν γενομένης αὐτῷ κακοπαθείας. τέτων δ' ὄντων διτλῶν, τα μὲν Ἰμεραῖαι, τα δὲ Ἐγεαῖα προσαγορεύεται. Diodor. Sicul. lib. x. 23.

Ἡράκλεια λυτρά. Ἡρακλεῖ πολλὰ μογήσαντι φασὶ τὴν Ἀθηναῖν δερμὰ λυτρά ἀναρῆναι, οἷς χρήσασθαι αὐτὸν, τινὲς δὲ καὶ αὐτὸν, τὸν Ἡρακλεῖα καλᾶσκευάσαι φασὶν ἑαυτὴ τα λυτρά δερμὰ, ἄλλοι δὲ νύμφας αὐτῷ ποῖναι ἐν Σικελίᾳ. Hesychii lexicon.

At Ibycus a Scholiaste in Aristophanem citatus id Vulcano tribuit. Et Pisandrus ab eodem citatus Thermas eas in Thermopylis statuit.——Ἴβυκός φησὶ τὸν Ἡφαιστον κατὰ δωρεάν ἀναδύναι Ἡρακλεῖ λυτρά δερμῶν ὑδάτων, ἐξ ὧν τὰ δερμὰ τινὲς φασὶν Ἡράκλεια γίνεσθαι. οἱ δὲ φασὶν ἔτι τῷ Ἡράκλεϊ μογήσαντι ἢ Ἀθῆνα δερμὰ λυτρά ἱπαρῆκεν, ὡς Πείσανδρος,

Τῷ δ' ἐν Θερμοπύλῃσι διὰ γλαυκῶπις Ἀθῆνη

Ποίει δερμὰ λυτρά παρὰ ῥηγμῖνι θαλάσσης.

Scholiast. in Aristophan. Nub. lin. 1047.

Vid. et Scholiast. veter. et nov. in Pindar. loc. citat. qui aiunt hoc evenisse dum boves Geryonis abigerat.——At Zenobius dicit Minervam Herculi multis in locis balnea calida monstasse.

Ἡ Ἀθηναῖ τῷ Ἡρακλεῖ ἀνῆκε πολλαχῶ δερμὰ λυτρά πρὸς ἀνάπαυλιν τῶν πόνων. Zenob. centur. ii. 49.



ad obstructions, inflammationesque via paretur. His autem aqua tepida vel moderate calida applicata vasorum relaxationem efficit, humores diluit, omnem ingratam perceptionem abigit, obstructions referat, et aptum debitumque liquidorum cursum per totum corpus restituit; unde reficitur homo, et oblectamentum quoddam admodum pergratum sentit. Et hunc aquae calidae effectum optime novit poeta Thebanus, uti constat ex loco, in quo de laude Lyrica agit (u).

7. THERMAS Hippocratis tempore usitatas fuisse, ex ejus scriptis, vel saltem ex quibusdam, quae sub ejus nomine veneunt, constare videtur. In libro secundo de diaeta balneorum, et inter alia, calidorum natura exponitur (v). Horum effectus alibi memorantur, ubi balneum calidum moderatum dicitur mollire et augere corpus (w). Et in libro quinto epidemicorum narratur casus “cujusdam  
“prurigne totius corporis vexati, cui nemo opitulari potuit. Ille ad Melum, ubi erant balnea  
“calida, θερμὰ λουτρά, transgressus, a pruritu, &c.  
“liberatus est; verum hydropicus factus mortuus est (x).” Hinc satis patet tunc temporis extitisse Thermas, ad quas aegri sanitatis causa sese contulerunt.

## 8. TEM-

(u) Οὐδὲ θερμὸν ὕδωρ τόσσον  
Τε μαλθακὰ τέυχει  
Γυνῖα, τόσσον εὐλογία φόρ—  
μιγγι συνάρορος. Nem. iv. θ.

(v) Lib. ii. de Diaeta, § 35.

(w) Τὸ λουτρὸν τὸ θερμὸν, τὸ μὲν μέτριον, μαλάσσει τὸ σῶμα ἢ ἀνῆξει.  
Lib. de Affectionibus, § 47.

(x) Epidemic. lib. v. § 4.

8. TEMPORE Platonis et Aristotelis Thermas in usum esse adhibitas, ex utriusque testimoniis clare evincitur. Plato commendat balneorum calidorum exhibitionem, tum ad morbos curandos, tum ad corpora laborantium reficienda (*y*). Aristoteles Thermarum circa Ædepsum, Euboeae oppidum, meminit (*z*), atque in Magnesia et Artana (*a*). Alii Thermas sacras habitas esse dicit (*b*). Et ejus tempore balneorum publicorum usum in Graecia multum invaluisse patet; nam de furibus balneorum, vestimenta illorum, qui lavabantur, furripientibus agit, eosque, sicut legibus sancitum fuit, gravius esse plectendos copiose docet (*c*). Et quidem si Platoni in libro suo, Critias dicto, credendum sit, longe vetustior fuit Thermarum usus. Antiquissimam enim historiam a veteribus Aegyptiorum monumentis, uti quidam volunt, depromptam tradens, de Atlantica insula agit, et inter alia scribit antiquos ejus incolas “ fontibus usos fu-  
 “ isse multum ac copiose scaturientibus tum frigidi  
 “ tum calidi laticis, jucunditate et virtute aqua-  
 “ rum ad uniuscujusque necessitates mirifice accom-  
 “ modati; circum collocantes aedes, arborumque  
 “ consitiones ornamentum praebentes aquae; et  
 “ subdiales aquarum cisternas aestivo tempore, te-  
 “ ctas autem hiberno ad balnea calida circumpo-  
 “ nentes,

(*y*) Plat. de legibus, lib. vi.

(*z*) Meteorologic. lib. ii. cap. 8.

(*a*) Problem. § xxiv. quæst. 16. 17.

(*b*) Διὰ τὰ τὰ θερμὰ λυγρὰ ἱερὰ; Ibid. quæst. 19.

(*c*) Problem. § xxix. quæst. 14.



nentes, seorsum quasdam regibus, seorsum quasdam privatis hominibus, alias mulieribus, &c. (d) Ex his (si modo non sint fabulosa) patet vetustissimis in aevīs extitisse regularem Thermarum et Acidularum usum, laticesque salubres quam maxime frequentatos fuisse. Verum enimvero, si tota historia fabulosa et allegorica (uti quidem quorundam fert opinio) ponatur, exinde tamen elicitur argumentum haud parvi momenti, Platonis tempore, vel antiquius illo, medicatos fontes sat magno cum apparatu fuisse petitos; cum alioquin vix videtur unde haec descriptio desumpta fuerit.

9. Apud auctores, qui de antiquissimis scripserunt saeculis, Thermas olim innotuisse passim memoriae proditur. Meminit Diodorus Siculus Thermarum in Sicilia scatentium Herculi laboribus obruto remedium et refectioem praebentium (e). Apud Sicanos Thermas, sive balnea calida, Cocali regis memorat idem auctor, in quibus nimis diu detentus Minos, Cretae rex, praefocatus fuit (f),

B

et

(d) Ταῖς ὃ δὴ κρήναις, τῇ τῷ ψυχρῷ ἔ τῇ τῷ θερμῷ νάματός, πλήθος μὲν ἀφθονον ἐχούσαις, ἡδονῇ ὃ ἔ ἀρετῇ τῶν ὑδάτων πρὸς ἑκατέρω τὴν χρῆσιν θαυμαστῷ πεφυκότος, ἐχρῶντο, περισήσαντες οἰκοδομήσεις ἔ δένδρων φυτεύσεις πρεπούσας ὕδατι, δεξαμένας τε θερμὰς [forfan θερινὰς] μὲν ὑπαιθρίους, τὰς ὃ χειμερινὰς τοῖς θερμοῖς λουτροῖς ὑποσέγους παρατιθέντες· χωρὶς μὲν, βασιλικὰς, χωρὶς ὃ ιδιωτικὰς· ἐτι ὃ γυναιξὶν ἀλλας, &c. Plat. in Crit.

Errorem hic loci a transcribentibus quibusdam mihi videtur irrepsisse. Malim ergo pro θερμὰς ponere θερινὰς, quod sensum facilem ac expeditum reddit. Exemplar ab Aldo Venetiis impressum vice θερμὰς habet αὐτάς.

(e) Vid. supra not. (t).

(f) Lib. iv. 79.

et sermonem habet de Thermis Liparaeis, olim plurimorum concursu, tum voluptatis, tum valetudinis causa celeberrimis (g). Insuper narrat Carthaginienſes, Tyrorum soboles, Thermas, Siciliae civitatem, juxta aquas calidas Himeraeas condidisse, eique nomen ab illis indidisse (h). Hanc falso ponit Silius Italicus, ut ait Salmaſius, in occiduo Siciliae latere (i). Vir tamen ipse doctus mihi videtur hallucinari, cum scribat Romanos coloniam suam ab aquis calidis Himeraeis Thermas appellasse (k): nam a Diodoro Siculo jam citato clare patet nomen a Carthaginienſibus inditum fuisse.

10. Strabo Thermarum Phazemonitarum admodum salubrium in Ponto supra Amasiam meminit (l). Loquitur de Thermis Sextiis prope Masfiliam,

(g) [πόλις Λιπάρα] λίμναι τε καλοῖς ὑπὸ τῆς φύσεως κεκόσμηται, καὶ θερμοῖς ὕδασι τοῖς διαβεβοημένοις. ὁ μόνον γὰρ πρὸς ὑγίειαν τῶν νοσούντων τὰ κατ' αὐτὴν λυγρὰ πολλὰ συμβάλλεται, ἀλλὰ καὶ κατὰ τὴν τῶν θερμῶν ὕδατων ιδιότητα παρέχει τέρψιν καὶ ἀπόλαυσιν ὁ τὴν τυχεύσαν. διόπερ πολλοὶ τῶν κατὰ τὴν Σικελίαν ὑπὸ νόσων ἰδιοτρόπων ἐνωχλόμενοι κατανύσσιν εἰς αὐτὴν, καὶ τοῖς λυτροῖς χρώμενοι, παραδόξως ὑγιεῖς καθίστανται. Lib. v. 10.

(h) Ὅι Καρχηδόνιοι ————— ἐκτίσαν ἐν τῇ Σικελίᾳ πρὸς αὐτοῖς τοῖς θερμοῖς ὕδασι πόλιν, ὀνομάσαντες Θερμά. Lib. xiii. 79.

(i) Littora Thermarum prisca dotata Camoena  
Armavere suos, qua mergitur Himera Ponto  
Æolio. —————

Sil. Italic. Punicor. lib. xiv. 232.

(k) Salmaf. Plinian. Exercitat. in Solinum, p. 80.

(l) Ὑπερκεῖται ὁ τῆς τῶν Ἀμασιῶν τὰ τε θερμὰ ὕδατα τῶν Φαζημῶνιτων ὑγίεινα σφόδρα. Geogr. lib. xii.



filiam, a Sextio duce Romano sic appellatis (*m*); et de aliis in sinu Carthaginiensi (*n*). Scribit Thermopylas a Thermis ibi scaturientibus nominatas esse (*o*). Et quidem civitates quamplurimas a calidis aquis nomina sua fortitas esse fat superque patet. Hinc Thermae in Sicilia (*p*); Thermae ad Thermaicum finum, postea Theffalonica dicta; et Thermi, vel Thermae, Ætolorum arx munitissima olim, et locus comitiorum legitimus (*q*). Aquas calidas quamplurimas memorat Athenaeus in Cilicia, Troade, Asia, Phrygia, aliisque regionibus scaturientes (*r*); et ubicunque e terra prorumpentes olim Herculi sacras habitas fuisse testatur (*s*). Simile quoddam protulit Aristides, “*La-*  
“*vacrorum nempe jucundissima Herculis no-*  
“*men prae se ferre* (*t*).” Dionysius Halicarnas-  
seus in Italiae descriptione Thermas commemorat  
jucunditati, morborumque chronicorum medelae  
optime inservientes (*u*).

## II. ROMA-

(*m*) Lib. iv.

(*n*) Lib. xvii.

(*o*) Τὴν μὲν ἔν πάροδον, Πύλας καλῶσι, καὶ σενά, καὶ Θερμοπύλας· ἔστι γὰρ καὶ θερμά πλησίον ὑδάτα τιμώμενα ὡς Ἡρακλέως ἱερὰ. Lib. ix. Vid. et Livii Hist. lib. xxxvi. 15.

(*p*) Vid. supra.

(*q*) Polyb. Historiar. lib. v.

(*r*) Deipnosoph. lib. ii.

(*s*) Ἡ διατὶ τὰ θερμά λυτρά τὰ φαινόμενα ἐκ τῆς γῆς πάντεω Ἡρακλέως φασὶν εἶναι ἱερὰ; Id. lib. xii.

(*t*) Λυτρῶν τὰ ἡδιστα, Ἡράκλεια ἐπωνυμίαν ἔχοντά ἐστι. Tom. i. p. 64.

(*u*) Ἐχει. ὃ ἡ γῆ καὶ νάματα θερμῶν ὑδάτων ἐν πολλοῖς ἱερῆμένα χωρίοις, λυτρά παρὰσχῆν ἡδιστα, καὶ νόσους ἰάσασθαι χρονίους ἄριστα.

Antiquit. Romanar. lib. i.

II. ROMANORUM Thermas ecquis ignorat ? Ad illos a Graecis transiisse, sicut multa alia, omnino verisimile videtur ; et sat confirmatum habetur ex eo, quod nomina varia circa eas usurpata, e. g. Thermae ipsae, Laconicum, Hypocaustum, &c. Graeci sunt sermonis, uti recte annotat doctissimus vir Andreas Baccius (v). De harum dispositionibus et partibus breviter tractat Vitruvius (w) : et ex ipsius, aliorumque veterum monumentis balnea descripserunt auctores rei antiquariae peritissimi, Hieronymus Mercurialis (x), et Bernardus Montfaucon (y) ; quorum hic suam prodit sententiam de discrimine inter balnea et Thermas (z), et quasdam exhibet repraesentationes a ruderibus et picturis antiquis depromptas (a).

12. Quo tempore Thermarum usus apud Romanos primum introductus fuerat non adeo clare constat. Utilissimam tamen inter antiquos Balneorum institutionem fuisse, vel ad quotidianas fordes

(v) De Thermis, lib. vii. cap. i.

(w) De architect. lib. v. cap. 10.

(x) De art. gymnastic. lib. i. cap. 10.

(y) Antiquit. expliq. Tom. iii. part 2. Lib. i. cap. 1—4, et supplem.

(z) La difference, que je croi qu'il y avoit entre les bains & les Thermes, étoit que les bains n'étoient uniquement que pour se laver ; au lieu que dans les Thermes, qui étoient des batimens grands & spatieux, il y avoit outre les bains de grands lieux, des espaces non couverts, des Salles à manger, d'autres à exercer, & à instruire la jeunesse, qu'on appelloit *Ephebea*, des lieux pour les jeux, & pour exercer les Athletes, & plusieurs autres choses semblables. Ibid. cap. 1. § 2.

(a) Ibid. pl. 122, 124, 126, 127 ; et supplem. Tom. iii. liv. vii. cap. 1, 2, pl. 57, 58, 59, 60, 62, 63.



des eluendas, doctissimus vir Hieronymus Mercurialis optime demonstrat ; nam apud eos lineorum pannorum usus non inventus, aut saltem infrequens fuerat, corpora magna ex parte nuda gesserant, laxamque admodum vestium compagem habuerant ; unde a pulvere, et omni alia illuvie frequentissime eos conspurcari necesse fuit (b). Hinc hora ante coenam lavari soliti fuerunt, ut ad mensas accederent mundi. Balnea privatorum prius in usum venisse certum est : et sunt nonnulli, qui publicorum multo recentioris esse inventionis videntur asserere, uti Athenaeus (c) ; in quam sententiam ite eruditissimus Potter, Archiepiscopus nuper Cantuariensis (d). Senecae tamen si fides adhibenda sit, horum usum vetustiores fuisse, iis scilicet temporibus, quibus nondum apud Romanos invaluerat luxus, credere debemus. Invehens enim in sui aevi mores, ad balnea olim a populo frequentata, et Ædilium manu temperata luculenter refert (e).

## 13. ROMAE

(b) Loc. citat. Vid. et Panciroll. de magistrat. municip. cap. 14, et Fabric. descript. urb. Rom. cap. 18.

(c) Προσφάτως τὰ βαλανεῖα παρήχθαι, ἢ ἀρχὴν ἔδεν ἐνδον τῆς πόλεως ἱσθάντων αὐτὰ. Lib. i. ad finem.

(d) Archaeolog. Graec. lib. iv. cap. 19.

(e) At olim et pauca erant balnea, nec ullo cultu exornata. Cur enim ornaretur res quadrantaria, &c.—Sed, dii boni, quam juvabat illa balnea intrare obscura, et gregali tectorio inducta, quae scires Catonem tibi Ædilem, aut Fabium Maximum, aut ex Corneliis aliquem manu sua temperasse ? Nam hoc quoque nobilissimi Ædiles fungebantur officio, intrandi ea loca, quae populum receptabant, exigendique munditias, et utilem ac salubrem temperaturam, non hanc, quae nuper inventa est, similis incendio, &c. Epistol. lxxxvi.

13. ROMAE frequentissimum fuisse Thermarum usum liquet ex plurimis indubitatae fidei auctoribus, qui permultorum balneorum publicorum, ab Imperatoribus, aliisque exstructorum nomina, &c. memoriae prodiderunt. Horum habentur testimonia, de Thermis, inter multas alias, Agrippae (*f*), Trajani, Severi (*g*), Antonini Caracallae (*h*), Diocletiani (*i*), Constantini (*k*). Has, caeterarumque Thermarum praecipuas luculento satis ordine Samuel Pitiscus, auctorum infra citatorum, aliorumque testimoniis innixus, exponit (*l*). Circa balnea etiam plebeiorum, et libertinorum profusum fuisse sumptum, testis est Seneca (*m*). Et de lavacris, quae in modum provinciarum extructa fuerunt, loquitur Ammianus Marcellinus (*n*). Atque multis aliis in locis et regionibus tunc temporis extitisse Thermas, in usus tum privatos tum publicos exhibitas, ex inscriptionibus quamplurimis a Grutero recensitis (*o*), simul ac ab earum

(*f*) Dio liii. liv. Plin. hist. natur. lib. xxxvi. cap. 25.

(*g*) Lamprid. cap. 17.

(*h*) Ibid.

(*i*) Aurel. Vict. c. 40. n. 27.

(*k*) Spartian. c. 19.

(*l*) Lexic. antiquitat. Romanar. vol ii. p. 951—955.

(*m*) In epistola supra citata.

(*n*) Lib. xvi; Valesius tamen in not. ad loc. vice *provinciarum* legit *piscinarum*.

(*o*) Vid. inscript. operum et locorum publicorum, et alibi passim.



rum ruderibus in hunc usque diem manentibus factis superque probatur (*p*).

14. THERMAE etiam apud Romanos, valetudinis causa, et in medicinae gratiam usurpatae fuerunt. Baias, vicum olim longe celeberrimum, ab Horatio (*q*), Juvenali (*r*), Martiali (*s*), Cassiodoro (*t*), tantopere laudatum, et a Seneca vitiorum diverforium appellatum (*u*), quis nescit ad morbos fugiendos et arcendos, simul ac voluptatem carpendam, plurimorum concursu fuisse frequentatas? Aquis ibi scaturientibus aegros quam maxime usos fuisse vel ex eo patet, quod balneis frigidis ab Antonio Musa, qui iis Augustum Caesarem curaverat (*v*), in morborum medelam adhibitis, indignati fuerunt Baiani suos tam celebres contemni fontes, uti eleganter narratur ab Horatio, qui simile consilium iniverat ab eodem medico

(*p*) Vid. Montfaucon antiq. expliq. loc. citat.

(*q*) Nullus in orbe sinus Baiis praelucet amoenis.

Epistolar. lib. i. Epist. i. 83.

(*r*) Janua Baiarum est, et gratum littus amoeni  
Secessus.

Satir. iii. 4.

(*s*) Littus beatæ Veneris aureum, Baias,  
Baias, superbae blanda dona naturae,  
Ut mille laudem, Flacce, versibus Baias;  
Laudabo digne non fatis tamen Baias.

Lib. xi. Epigram. 81.

Vid. et lib. vi. Epigram. 42, 43.

(*t*) Variar. lib. ix. Epist. 6.

(*u*) Epist. li.

(*v*) Sueton. Octav. 81. et Plin. hist. nat. lib. xxix. cap. 1.

medico acceptum (w). Has calidas aquas tum luxui, tum morborum sanationi fuisse idoneas testatur Strabo (x); qui et calidarum aquarum scaturigines, et balneorum apparatus Baianis non deteriores apud Neapolin memorat (y). Idem auctor scribit Etruriam abundasse calidis aquis, quae non minus quam famosissimae Baiae petitae fuerunt (z); et quarum Thermae, Caeretanae dictae, suo tempore valetudinis causa frequentatae fuisse (a). In alia Italiae regione, scilicet prope Sinuessam, enarrat fuisse calida lavacra ad quosdam morbos pellendos efficaces (b). Praeter haec scribit in Graecia supra Chalcidem in campo Lelanto erupisse aquas calidas ad morbos sanandos aptas, quibus

(w) ————— nam mihi Baias  
Musa supervacuas Antonius, et tamen illis  
Me facit invisum, gelida cum perluor unda  
Per medium frigus. Sane myrteta relinqui,  
Dictaque cessantem nervis elidere morbum,  
Sulphura contemni; vicus gemit, invidus aegris,  
Qui caput et stomachum supponere fontibus audent  
Clusinis, Gabiosque petunt et frigida rura.

Epistolar. lib. i. Epist. xv. 2—9.

(x) Ἐν ἧ αἰ Βαῖται ἔ τὰ θερμὰ ὕδατα, τὰ ἔ πρὸς τρυφήν ἔ πρὸς θεραπείαν νόσων ἐπιτήδεια. Lib. v.

(y) Ibid.

(z) Πολλὴ ὃ ἔ τῶν θερμῶν ὑδάτων ἀφθόνηα κατὰ τὴν Τυρρηνίαν τῷ πλησίον εἶναι τῆς Ρώμης· ὅχ ἥτιον δ' εὐανδρεῖ τῶν ἐν Βαῖταις, ἃ διωνόμασαι πολὺ πάντων μάλιστα. Ibid.

(a) Εὐανδρεῖ δ' αὐτῆς μᾶλλον τὰ πλησίον θερμὰ, ἃ καλεῖται Καίρετανά, διὰ τῆς φοιτῶντας θεραπείας χάριν. Ibid.

(b) Πλησίον ἐστὶ δ' αὐτῆς θερμὰ λυτρά κάλλιστα ποιῦντα πρὸς νόσους ἐνίας. Ibid.



quibus usus fuit Cornelius Sylla Romanorum Imperator (c).

15. BALNEA multa, horumque virtutes a Plinio memorantur (d), inter quae sunt Mattiaci fontes, nunc Thermae Wisbadenses in Germania: verum hasce Thermas Taciti aevo inclaruisse, id quidem ex ipsius Taciti verbis haud compertum habeo (e). Thermae Calirrhöenses, Tiberiensesque in Palaestina ad morbos curandos adhibitae, praeclarique nominis fuerunt. Rex Herodes Magnus illis in extremo suae vitae periculo usus fuit (f): et his utendi occasionem causam itineris praetexit Joannes Gischalensis, qui, Josepho insidias paraturus, nullum aptius mendacium excogitavit quam simulationem morbi (g). Pausanias meminit balneorum aquarum calidarum in Troezeniis (h), in Aftyris contra Lesbum ad Atarneum vicum (i), et in Dicaearchia Tyrrhenorum, i. e. Puteolis (k). Etiam Bathonia nostra in Anglia, temporibus im-

C

perii

(c) Ὑπέρκειται ὃ τῆς τῶν Χαλκιδίων πολέως τὸν Ἀήλαντον καλύμενον πεδῖον, ἐν ᾧ τάτω θερμῶν τε ὑδάτων εἰσὶν ἐκβολαὶ πρὸς θεραπεῖαν νόσων ἑυφρυνεῖς, οἷς ἐχρήσατο καὶ Σύλλας Κορνήλιος ὁ τῶν Ῥωμαίων ἡγεμὼν. Lib. x.

(d) Lib. xxxi. cap. 2.

(e) Vid. Hoffman. de praecipuis medicatis Germaniae fontibus, et Pichonis Notas in Tacit. Annal. lib. i. 56.

(f) Θερμοῖς τοῖς κατὰ Καλλιρόην αὐτὸν παρεδίδου, ἅπερ σὺν τῇ ἐς παντ' ἀρετῇ καὶ πότιμά ἐστιν. Joseph. Antiquit. Judaic. lib. xviii. cap. 6. 5.

(g) Σκηψάμενος ὃ νόσον, ἐκέτενε δι' ἐπιστολῆς τὴν Ἰώσηπον, ἐπιτρέψαι πρὸς θεραπεῖαν αὐτῷ χρῆσασθαι τοῖς ἐν Τιβερίადι θερμοῖς ὑδασιν.

Id. de Bell. Judaic. lib. ii. cap. 21. 6.

(h) Corinthiac. cap. 34.

(i) Messeniatic. cap. 35.

(k) Arcadic. cap. 7.

perii Romani, sanitatis ergo, uti videtur, frequentata fuit. Nomina huic erant apud Romanos *Aquae solis*, *Aquae calidae*, &c. (*l*): et a Solino memorari videtur (*m*). Inscriptiones nonnullae ibi repertae sunt, quarum omnes, quae integrae extant, sepulchra indicant, unaque inscribitur militi legionis, quam unquam esse in Britannia ex alio quopiam veteri monumento minime constat (*n*). Ob quas inter se comparatas rationes non absimile videtur tunc temporis hunc locum, valetudinis causa, aegros adiisse. Et quidem certum est, saeculis paulo

(*l*) *Aquae solis*, Itinerar. Britan. Antonin. iter xiv. *Aquae calidae* ceu *Ἰδατὰ θερμὰ*, Ptolom. Geograph. Britan.; et *Armis*, quod corrupte ponitur vice *Thermis*, Anonym. Ravenn. Geograph.

Hic vero conjecturam proferre liceat, quae mihi contigit, dum duplicem hanc appellationem (*Aquae solis*, *Aquae calidae*) animo pervolvi, et rationem hujus, si quidem id potuerim, reddere volui: Phoenicibus nempe innotuisse Bathoniam. Nam eos in Britannia fuisse admodum probabile videtur ex argumentis, quae Bochartus, summae ille eruditionis vir, Geogr. sacr. part. posterior. lib. i. cap. 39, assert. Hebraea autem, vel Punica lingua vox eadem *בְּחַם* *bham*, vel *בְּחַמָּה* *bhammah* et *calidum* et *solem* significat. Si ergo praeter nomina, quibus a Romanis, Britannis, et Saxonibus appellata fuit, huic Phoenices olim indiderint nomen *בְּחַם* *bhammei*, vel aliquod simile, uti quidem aliis locis ob similem causam idem praestitere, in proclivi est judicium de hac re proferre; Romanos nempe nunc aliam, nunc alteram significationem vocis retinentes, tum *Aquas calidas*, tum *Aquas solis* illam latine reddidisse. Aliunde rationem hujus duplicis appellationis peti posse vix videtur. Conjecturam tamen ipsam dubius propono, et in re tam obscura doctorum sententiam submisisse rogo.

(*m*) In Britannia sunt fontes calidi opiparo exculi apparatu ad usus mortalium, quibus (*fontibus*) praeful est Minervae numen, &c. Solin. Polyhist.

(*n*) Vid. Horsley's Britannia Romana, Somerset ii. p. 86, 326, 328.



paulo inferioribus, post discessum nempe Romanorum, Saxonumque adventum, eundem hunc vicum aegrotis frequentatum fuisse, ideoque *Bathancester*, *Hat Bathan*, et *Akmancester*, i. e. *infirmorum civitatem*, appellatum fuisse (o). Et balnea Buxtoniensia nostra Romanis cognita fuisse evincere videntur canales plumbei ibi sub terra reperti, et Romanus agger, *Balnei via* dictus (o\*). Thermae Aquisgranenses, uti notum, deduxerunt nomen a Granio quodam, quem Pragmatica Sanctio Imperatoris Caroli Magni, Neronis et Agrippae fratrem statuit, Cronicon autem Ultrajectinum Romanum Senatorem a Nerone proscriptum dicit, alii deinde Neronis proconsulem fuisse aiunt (p).

16. QUAE NAM fuerunt balneae illae pensiles a Sergio Orata primum inventae (q), et ab Asclepiade medico postea in usum medicinae adhibitae, uti Plinius narrat (r), paulo obscurius videtur. Magnus ille vir Hieronymus Mercurialis has lectorum pensilium ad exemplar constructas esse, ita ut levi quodam motu huc et illuc agitari valerent, et aquae delectationem adderent, ingeniose pro suo more exponit (s): et huc faciunt quae ab erudito viro

(o) Vid. Camden. Britan. p. 87, 89.

(o\*) Vid. Short's History of mineral waters, part. i.

(p) Vid. Blondel Thermarum Aquisgranensium, &c. descript. cap. 1. in initio.

(q) Plin. lib. ix. cap. 59, et Valer. Maxim. lib. ix. cap. 1.

(r) Lib. xxvi. cap. 3.

(s) De art. gymnast. lib. iii. cap. 12.

viro Andrea Baccio proferuntur (*t*). Merito tamen haec sententia in dubium vocatur a viro claro Thoma Glafs, medico Exoniensi (*u*), qui has easdem ac illas esse putat, quae supra columnas et fulcra, aedificiorum suspenforum instar, structae fuerunt, ut spatium satis amplum subtus praebetur igni; quod quidem magis verisimile videtur, et haud leviter ab ipso Plinio confirmari: hic enim auctor est Asclepiadem balneas in usum medicinae instituisse (*v*).

17. PORRO Thermas apud Romanos ad sanitatem tuendam, et restituendam, a medicis adhibitas fuisse e Celso, praeclaro illo medicinae scriptore, copiose patet. Nam balneum, tum calidum tum frigidum, commendat (*w*). Modum, quo debent fatigati balneis, *scilicet* calidis, uti, latius tradit (*x*). Horum duplicem usum, discussis *nempe*, et manentibus febribus, prolixè docet, et quae faciunt aperte dicit (*y*). Eodem loco imbecillibus hominibus in balnea ituris monita quaedam profert; et aliis in locis de balneo calido sermonem habet. Calidum

(*t*) De Thermis, lib. vii. cap. 11.

(*u*) Vid. Tractatum nuper editum, cui titulus, *An account of the ancient Baths, and their use in Physic*, p. 11—16.

(*v*) Lib. xxii. cap. 3.

(*w*) Prodest etiam interdum Balneo, interdum Aquis frigidis uti, lib. i. cap. 1.

(*x*) Ibid. cap. 3.

(*y*) Fereque adhibetur [*Balneum calidum*], ubi summam cutem relaxari, evocarique corruptum humorem et habitum corporis mutari expedit. Lib. ii. cap. 17.



lidum balneum plurimum laudat Plutarchus (z), frigido parum amicus (a); calidi tamen imprudenter et immodice usurpati damna recenset (b). Caeterum scribit aquas calidas medicinales esse, et ad opitulandum valde efficaces (c).

18. ARETAEUS, quem intervallo temporis inter Neronis et Trajani vel Hadriani imperium vixisse; ideoque Galeno paulo antiquiorem esse magis probabile videtur (d), balneorum calidorum usum in morbis tractandis praescribit, quae et Celtis innotuisse dicit (e). Ad elephantiasin sanandam balnea calida sulphurea exhibet (f). Et ad melancholiam curandam in aquis sponte calidis saepe commorari plurimum laudat; medicamenta enim, ait, quae in his sunt ingenita, opem ferunt, et bona est humectatio, quae fccas ac densas melancholicorum carnes raras et molles efficit (g).

## 19. GALENUM

(z) Lib. de Praecept. salubrib. et Quaest. convival. lib. iv. quaest. 1.

(a) Lib. de Praecept. salubrib.

(b) Ibid.

(c) Τὰ γυν̄ θερμὰ τῶν ὑδάτων ἀκρίσιμα, καὶ πρὸς θερμασίαν ἐναίσθητα.

Lib. de comparatione Ignis et Aquae.

(d) Vid. clariss. Wigan. dissertat. de Aretaei aetate.

(e) De curat. morbor. diuturnor. lib. ii. cap. 13.

(f) Ibid.

(g) Ἀπίτω ὧν ἐς ἀνάληψιν ὁ νοσέων, πεφυκόσι θερμοῖσι ὑδάσι ἐνδισαίνονται, καὶ γὰρ τὰ ἐν τοῖςδε φάρμακα, ὄνησις, ἀσφαλτος, ἢ θεῖον, ἢ συπτηρὴν, πολλὸν πλεῖνες, τετέων ἄλλαι δυνάμεις. ἀγαθὸν μὲν γὰρ ὑγρασίῃ ἐξ αὐχμῶ τῆς νόσου, καὶ ταλαιπωρίῃ τῆς ἡσυχίας· ἀραιαὶ δὲ καὶ μαλθακαὶ σάρκες ῥηϊσταὶ πρὸς ἄρῃσιν τῆ νοσήματος· ξηραὶ δὲ καὶ πυκναὶ τοῖς μελαγχολῶσι αἱ σάρκες.

Ibid. lib. i. cap. 5.

19. GALENUM balneis in praxi sua saepius usum fuisse ex multis in operibus suis clare constat, et neminem his vel paululum versatum latere potest. Balnea calida cum remediis, quae totum corpus vacuant, annumerat (*b*). Nil valido aestu occupatos praesentius refrigerare, aut magna frigiditate affectos promptius calefacere, quam balneum moderate calidum, dicit (*i*). Balnei calidi effectus optime tradit (*k*); hujusque vires ac virtutes, et quibus morbus prodest, passim exponit (*l*).

20. MEDICI Galeno recentiores idem medicinae genus commendaverunt, et ad plurima mala fananda adhibuerunt. Caelius Aurelianus, Methodicorum unus qui extat, in affectibus lethargicis post frigida capiti applicata ad densitatem relaxandam balnea imperat (*m*): et ad superfluam carnem, Graecis *Polysarciam* dictam, adimendam nunc ferventia lavacra, nunc frigida exhibet (*n*). Oribasius de balneis, tum artificialibus, tum suapte natura nascentibus agit (*o*); et balneorum calidorum virtutes exponit, de iisdem fusius differens e Galeni,

(*b*) Comment. in Aphorism. Hippocrat. lib. iv. aphor. 2.

(*i*) De usu partium, lib. i. cap. 3.

(*k*) Siquidem duras, tensasque partes emollit; excrementum, liquamentumque, si quod intus ad cutem haeret, evocat. De sanitat. tuend. lib. iii. cap. 5. Linacro interprete.

(*l*) Lib. de Temperament. cap. 2. &c.

(*m*) Acutor. Morbor. lib. ii. cap. 9.

(*n*) Morbor. Chronicor. lib. v. cap. 2.

(*o*) Synopf. lib. i. cap. 28. 29.



ni, Antylli, et Agathini placitis (*p*). Aëtius balnea calida tractat e Galeni et Archigenis placitis (*q*). Alexander Trallianus epilepticis post exercitationem balnea calida dulcis aquae commendat, et modum tradit, quo debent exhiberi (*r*); et haec, si quid aliud, melancholicis opitulari dicit (*s*). In tertiana ex aquae calidae balneo in frigidae ingressum praecipit (*t*). Denique Paulus Aegineta balneum calidum, remedium tanquam optimum, tutissimum, et omnibus fere idoneum, multum laudat (*u*).

21. Balnea calida Arabibus innotuisse, et ab illis in remedia morborum fuisse adhibita ex Avicenna patet, qui thermale aquas in colica frigida infusione summopere laudat (*v*). Alibi balneorum varii generis vires ac virtutes explicat (*w*). Et recentiori aevo balnea calida in usum medicinae adhuc usurpata esse constat ex Actuário, qui saeculo decimo tertio vixisse videtur (*x*). Hic enim balneorum calidorum usum et vires prolixè exponit (*y*). Etiam Aegyptios balneis calidis ceu Ther-  
mis

(*p*) Medicin. Collect. lib. x. cap. 1, 2, 3, 7.

(*q*) Tetrabibl. lib. i. ferm. iii. cap. 166. 167.

(*r*) Lib. i. cap. 15.

(*s*) Ibid. cap. 16.

(*t*) Lib. xii. cap. 6.

(*u*) De Re Medica, lib. i. cap. 51.

(*v*) Canon. lib. iii. fen. xvi. tractat. iv. cap. 10.

(*w*) Ibid. lib. i. fen. ii. doctrin. ii. cap. 19.

(*x*) Vid. Freind. histor. Medicin.

(*y*) De method. medend. lib. iii. cap. 10.

mis usos fuisse, tum ad corporum ornatum, tum ad valetudinem tuendam et morbos sanandos, testis est Prosper Alpinus (z). In Alexandria, cum ab Amrou civitas ista capta et direpta esset, A. D. 640. quam ingens fuit Thermarum numerus, quatuor *scilicet* millia, ab historicis traditur (a).

22. His verbum unum aut alterum subungere de rationibus, ob quas Thermarum publicus usus in Italia, et aliis regionibus, tandem exolevit, haud absonum videtur. Existimat clarissimus Montfaucon hasce in defuetudinem abiisse, quod non nisi diuturna mora atque servitute ita frequentari possint (b) : at hoc argumentum omnibus aevis pariter respondet. Annon potius vestitui tractu temporis magna ex parte mutato haec earum defuetudo ascribenda est ? Nam cum jam lintea induerent homines, totumque fere corpus firmiori vestium apparatu circumtegerent, non adeo desideraretur harum usus. Huic et addi potest irruptio rudium ac barbararum gentium, quae res huiusmodi minime curaverunt. Et fortasse huc tenderunt alia, quae nos latent.

23. HACTENUS de Thermarum antiquitate, quatenus externe usurpatae fuerunt, differui. Caeterum constat has, et alias aquas diversi generis, quae sponte scaturiunt, in usus medicinales a veteribus

(z) De medicin. Ægyptior. lib. iii. cap. 14, 15, 17, 19.

(a) Vid. Freind. histor. Medicin. ad initium.

(b) Je croi que la raison en est que cela demandoit un grand assujettissement, & que cela emportoit beaucoup de tems.

Antiquit. expliq. tom. iii. part. ii. liv. i. cap. 3.



ribus potu exceptas fuisse; quanquam nullus, quod sciam, hoc in argumento huc usque laboraverit, uno solo excepto, Gabriele Fallopio, qui profitetur se “ non posse non satis mirari de illis, “ qui dicunt antiquos non usos fuisse aquis thermalibus in potu, sed esse novum inventum Arabum, et quod apud antiquos erant in usu in infusione tantum. Profecto, *pergendo ait*, qui ita dicunt, omnino mentiuntur.” Deinde nonnulla e mox citandis testimoniis exhibet, quibus innixus, recte infert, “ constare itaque aquas thermales fuisse in usu pro fugandis morbis in potu apud antiquos et vulgares medicos, non solum Graecos, sed etiam Latinos, et Barbaros, contra sententiam quorundam recentiorum (c).” Clarissimus Hoffmannus tamen hunc apud antiquos Thermarum usum tantum non negare videtur (d). Et celeberrimus vir, Daniel Clericus, licet naturalium aquarum potum in medicina veteribus innotuisse afferat, ad hanc tamen opinionem firmandam nullum nisi Galenum, in loco uno aut altero admodum obscuro, citat, et lectorem ad Plinium relegat (e). Verum alia multa testimonia, et a fidissimis deprompta auctoribus ad hanc sententiam tuendam, et stabilendam afferri queant.

24. FATENDUM quidem est scriptores antiquos de aquarum potu non tam amplos, quam de balneis

D

habere

(c) De thermalibus aquis, cap. 10.

(d) De Thermis Carolinis, cap. 7. 1.

(e) Histoire de la Medecine, troisieme partie, liv. ii. chap. 2.

habere sermones. Et ratio subest; nam inter ea, circa quae maximus nitebatur splendor, in quae plurimi consumebantur sumptus, quaeque quoad totum suum apparatus summae magnificentiae fuerunt, numerabantur Thermae, ceu balnea tum publica, tum privata; ideoque mirum non erit Historicos, aliosque auctores harum saepissime mentionem fecisse, cum minoris aestimationis rem, hominum luxui, superbiaeque nullo modo fervientem, eos fere insalutatam praeteriisse expectaverimus. Nihilominus tamen non desunt illa, e quibus eliciantur argumenta sat valida, veteres tum Thermarum, tum Acidularum, potum in medicina usurpasse.

25. MEDICINALEM naturalium aquarum potum apud antiquos receptam fuisse testis est satis luculentus Strabo, qui aquarum frigidarum Albularum, aliarumque meminit, quae in variis morbis et bibentibus, et insidentibus profuerunt (f). Hinc patet (quod et a testimoniis infra adferendis ulterius est confirmandum) Albulas sic dictas aquas insignis olim nominis fuisse ad aegros sanandos, aut potu exceptas, aut externe usurpatas: et sane harum appellatio, *sanctissimae*, quae in inscriptione apud Reinesium legitur (g), exinde orta videtur: eandem

(f) Τα ἸΑλβυλα καλούμενα ῥῆ ὕδατὰ ψυχρὰ ἐκ πολλῶν πηγῶν, πρὸς ποικίλας νόσους, καὶ πίνεσσι, καὶ ἐγκαθημένοις ὑγιεινὰ τοιαῦτα ὅ καὶ Λάβανα, ἐκ ἀπωθεν τέτων, ἐν τῇ Νομεντάνῃ, καὶ τοῖς περὶ Ἡρῆτον τόποις. Lib. v.

(g) AQUIS ALBULIS SANCTISSIMIS, &c.

Reines. p. 193. N° 186.



dem exhibet Spon, notis quibusdam adjectis (*b*). Narrat idem Geographus Thermas Pithecusarum [*i. e. in insula Ænaria*] calculosis mederi creditas fuisse (*i*). Et Pausanias dicit “apud Cynaethenses fuisse fontem aquae frigidae, quae potata, sanavit aliquem, qui a rabie canina detentus, vel ulcus, vel aliud quoddam periculum contraxerat; unde fons ille *Alysson* nominatus fuit (*k*).” Praeterea fontes potu aptissimos, et maxime vinosos memorat Athenaeus, quorum unus in Paphlagonia extitit, ad quem bibendum regionis istius incolae sese contulerunt (*l*). Quenam, quaeso, fuerunt hae aquae, nisi ejusmodi omnino generis, ac aliae nostris temporibus notissimae, *e. g.* Pyrmontanae, Spadanae, &c. quae homines largius illas haurientes temulentia quadam afficiunt, et spiritu quodam volatili refertae sunt, medicatam suam vim haud parum intendente?

26. SENTENTIA jam proposita vel a Vitruvio probatur, qui testimonia huc facientia, quibus vix ulla alia magis clara esse possunt, perhibet. Habet  
caput

(*b*) Cito Strabone dicit, “Hinc proculdubio ab utilitate earum sanctitas asseverata.”

Miscellan. erudit. antiquit. p. 95.

(*i*) Δοκεῖ δὲ τὰ θερμὰ ὕδατα ἐνταῦθα θεραπεύειν τῆς λιθιῶντας.

Lib. v.

(*k*) Πηγὴ ᾗ ἐστὶν αὐτόθι ὕδατος ψυχρῷ

ὅς δ' ἂν ὑπὸ κυνὸς κατὰσχετοῖς λύσση ἢ τοι ἕλκος ἢ ἄλλως κίνδυνον ἔυρηται, τὸ ὕδωρ οἱ πίνοντι ἱάμα' ἔ" Αλυσσον τῷδε ἔνεκα ὀνομάζουσι τὴν πηγὴν.

Arcadic. cap. 7.

(*l*) Πολλαχῶς δ' εἰσι χρῆναι αἱ μὲν ποτιμώτεραι, ἔ δινωδέεσαι, ὥς ἢ πρὶ Παφλαγονίαν, πρὸς ἣν φησί τῆς ἐγχωρίας ὑποπίνειν προσιόντες.

Deipnosoph. lib. ii.



caput de aquis calidis, et quas habent vires a diversis metallis prodeuntes, &c. (*m*), in quo aquam calidam medicamentosam esse aperte scribit (*n*); et bituminosos fontes interioris corporis vitia potionibus mederi (*o*): et dicit aquas quasdam frigidas per alvum transire, strumarumque minuire tumores (*p*). Porro nonnullas acidas venas fontium ad calculos in vesicis discutiendos commendat (*q*), hujusque ratiocinium subjungit, quod, licet

(*m*) De Architectur. lib. viii. cap. 3.

(*n*) Omnis autem aqua calida ideo quidem est medicamentosa, quod in praevis rebus percocta (i. e. *iis per quae transit*) aliam virtutem recipit ad usum. Ibid.

(*o*) Bituminosi autem interioris corporis vitia potionibus purgando solent mederi. Ibid.

(*p*) Est autem aquae frigidae genus nitrosum, uti Pinnae Vestinae, Cutiliis, aliisque locis similibus, quod depurgat, per alvumque transeundo, etiam strumarum minuit tumores. Ibid.

(*q*) Item sunt nonnullae acidae venae fontium, uti in Lyncesto, et in Italia Virena, Campania Theano, aliisque locis pluribus, quae hanc habent virtutem, uti calculos in vesicis, qui nascuntur in corporibus hominum, potionibus discutiant.— Fieri autem hoc naturaliter ita ideo videtur, quod acer et acidus succus subest in ea terra, per quam egredientes venae intinguntur acritudine, et ita, cum in corpus inierunt, dissipant quae ex aquarum subsidentia in corporibus, et concrescientia offenderunt. Quare autem discutiantur ex acidis eae res, sic possumus animadvertere. Ovum in aceto si diutius impositum fuerit, cortex ejus mollescet et dissolvetur. Item plumbum, quod est lentissimum et gravissimum, si in vase collocatum fuerit, et in eo acetum infusum, id autem apertum et oblitum si erit, efficietur uti plumbum dissolvatur, et fiat cerussa. Eisdem rationibus aes, quod etiam solidiore est natura, similiter curatum si fuerit, dissipabitur et fiet aerugo. Item margarita, non minus saxa filicea, quae neque ferrum neque ignis potest per se dissolvere, cum ab igne sunt percalesacta, aceto sparso dissiliunt, et dissolvuntur. Ergo cum has res ante oculos ita fieri videamus, ratiocinemur iisdem rationibus ex acidis, propter acritudinem succi, etiam calculosos, e natura rerum, similiter posse curari. Ibid.

licet falsis omnino innitatur principiis (nam neque aqua acida est, neque experimenta rem tangunt) tamen, quoniam paulo curiosius esse videatur, infra exscripsi. Documentum, ut opinor, insigne dat, quam fallaci specie veri homines erroribus impliciti, et nulla prorsus rectae philosophiae scientia imbuti, verba dare possunt. Nulli fortasse Vitruvio aequales de argumentis ejus, absurdis licet, unquam dubitaverunt.

27. SCRIBONIUS Largus, Medicus, qui sub imperio Claudii vixit (r), aquam, in qua ferrum candens demissum est, commendat in quibusdam vesicae vitiis, et dicit se hoc remedium traxisse ab aquis calidis ferratis in Tuscia, quae idem praestiterunt, ideoque *Vesicariae* appellatae fuerunt (s). Eadem fere habet Marcellus, Scribonii exscriptor (t). Seneca librum scripsit de aquis, quibus inesse variam virtutem asserit; morbis enim inveteratis, uti testis est, medentur, et insignem praestant usum potu exceptae (u). Caeterum memorat aquas va-

rii

(r) Vid. Le Clerc Histoire de la Medecine, troisieme partie, liv. i. chap. 3.

(s) Ad tumorem et dolorem vesicae, et exulcerationem benefacit aqua, in qua ferrum candens demissum est. Hoc ego traxi ab aquis caldis, quae sunt in Tuscia ferratae, et mirifice remediunt vesicae vitia. Appellantur itaque vesicariae, &c. De compos. medic. cap. 38.

(t) De medicament. cap. 26.

(u) Nunc vulgares aquas prosequemur, tam frigidam quam calentes. — De caeteris quoque differemus, quas insignes aut sapor aut aliqua reddit utilitas. Quaedam enim oculos, quaedam



rii generis, scilicet dulces, asperas, sulphuratas, ferratas, aluminosas, frigidas, calidas, leves, graves, &c. et quasdam, quae haustae foecunditatem afferunt (v). E Plinio multa eodem facientia excerpti possunt. Hic aquas Spadanas novit, et earum ferrugineum saporem non nisi in fine potus sentiendum esse dicit (w). Multos fontes in Italia, Syria, Æthiopia, Graecia, Gallia, Cilicia, India, Arabia, Phrygia, Sicilia, Germania, Cantabria, &c. commemorat, et quibus viribus ac virtutibus pollebant aquae harum singulae, aut potu exceptae, aut externe usurpatae, prolixè exponit (x). Calculosis olim mederi Syriae fontem juxta Taurum a M. Varrone enarrat (y). Aquam Cutiliam utilem esse bibendo et purgationibus testatur (z). Et alibi, post enumeratos errores in balneo commissos, quorundam quoque in potu errorem animadvertit (a).

## 28. TESTIMO-

dam nervos juvant, quaedam inveterata et desperata a medicis vitia percurant. Quaedam medentur ulceribus, quaedam interiora fovent potu, et pulmonis ac viscerum querelas levant. Quaedam supprimunt sanguinem, &c.

Quaest. natural. lib. iii. cap. 1.

(v) Ibid. cap. 2.— Et simile quoddam protulit Theophrastus, auctor longe vetustior.—'Ενιαχῶ μὲν γὰρ πασί τὸ ὕδωρ παιδογόνον εἶναι γυναιξίν, ὥσπερ ἔθ' Θεσπιάις. De Plant. lib. ix.

(w) Tungri, civitas Galliae, fontem habet insignem, plurimis bullis stellantem, ferruginei saporis, quod ipsum non nisi in fine potus intelligitur. Hist. Natur. lib. xxxi. cap. 2.

(x) Ibid.

(y) Ibid.

(z) Ibid. cap. 6.

(a) Similis error quamplurimo potu gloriantium. Vidique jam turgidos bibendo; in tantum ut anuli integerentur cute, cum reddi non posset hausta multitudo aquae. Ibid.



28. TESTIMONIA, quae apud Galenum inveni-  
enda sunt, paulo obscuriora videntur. Nonnullos  
usu sponte nascentium aquarum vere vel autumnio  
quotannis solitos excrementa vacuare dicit; ve-  
rum, quoniam alibi dixerit balneum calidum ex  
iis esse, quae totum corpus vacuant (*b*), parum  
certus sum an hic locus de potu, aut de balneo in-  
telligendus sit: alia fane remedia, quae interne  
assumuntur, ibidem enumerantur (*c*). Ad prae-  
cavendos calculos, ait, aquarum, quae natura ca-  
lidae sunt, usum prodesse, cum nihil prohibet (*d*).  
Alibi usum naturalium, praecipue calidarum, a-  
quarum praecipit (*e*).

29. CAELIUS Aurelianus praeclara tum Ther-  
marum, tum Acidularum, in medicina potus ex-  
empla protulit, quibus nulla evidentiora habentur.  
De cura paralyseos agens resumptivos cyclos  
(*f*) resumendos imperat, et naturalibus aquis dan-  
dos magis calidioribus, ut sunt in Italia Pantheri-  
nae [*Patavinae* (*g*),] Vesevinae et Senanae, et Ca-  
ritanae

(*b*) Loc. supra citat. ad § 19.

(*c*) Nonnulli enim sunt qui dejectoriis medicamentis, alii vo-  
mitoriis, aut urinam sudoremve cientibus, aut usu sponte nas-  
centium aquarum, uti quibus aut sulphuris, aut bituminis, aut  
nitri vis inest, vere vel autumnio quotannis soliti excrementa va-  
cuare. De sanit. tuend. lib. iv. cap. 4. Linacro interprete.

(*d*) De ren. affect. cognoscend. et curand. cap. 22.

(*e*) De palpit. trem. &c. cap. 7. &c.

(*f*) Quinam fuerunt resumptivi, et metasyncritici cycli, vi-  
dend. morb. chron. lib. i. cap. 1. ubi de cephalaea.

(*g*) Vid. Plin. lib. xxxi. cap. 6. Hos Patavinos seu Aponos  
fontes, sat celebres olim, habemus fusius et eleganter a Cassi-  
odoro tractatos. Variar. lib. 2. epist. 39.—Vid et quae infra  
e Claudiano exscribuntur ad not. (*n*).

ritanae appellatae (*b*). Haec de potu tantum intelligenda esse patet ex eo, quod et natationem in iisdem, quasi rem prorsus distinctam, postquam de Albulis verbum unum aut alterum protulerit, praecipiat (*i*). Stomachica passione affectis inter alia, dum non saeviunt symptomata, aquarum naturalium tum lavacrum tum potum praescribit (*k*). Calculosis, &c. harum quasdam simili modo exhibet (*l*): et in arthritide tum calidarum tum frigidarum usum suadet (*m*). Porro Thermarum Patavinarum, ceu Aponi fontis, egregia existit laus apud Claudium Claudianum poetam; ex cuius in hunc fontem carmine quaedam, ad sententiam propositam utcunque facientia, infra citata sunt (*n*).

## 30. ORIBASII

(*b*) Morbor. chronicor. lib. ii. cap. i.

(*i*) Etenim Albae five Albulae quae sunt appellatae, quod sint frigidae virtutis, solutione laborantibus, vel fluore quorumlibet officiorum naturalium, a veteribus sunt approbatae. Utendum etiam natationibus marinis, vel supradictarum aquarum. Ibid.

(*k*) Convenit——et aquarum naturalium usum adhibere, ut quae sunt in Italia Cotiliae appellatae, et Nepe sinae, quarum lavacro atque potu aptissimo utendum. Ibid. lib. iii. cap. 2.

(*l*) Iis vero, qui lapidibus, vel scabro vesicae afficiuntur, erunt eligendae aquae salsae, vel quae nitri habeant qualitatem, ut apud Tenariam (*Ænariam*) insulam, quae potandae atque lavacro adhibendae sunt. Ibid. lib. v. cap. 4.

(*m*) Item usus adhibendus aquarum naturalium, calidarum tum frigidarum, ut sunt in Italia, quae appellatae sunt Albulae vel Cotiliae. Ibid. cap. 2.

(*n*) In exordio haec habet :

Fons, Antenoreae vitam qui porrigis urbi,  
Fataque vicinis noxia pellis aquis,

Cum



30. ORIBASIIUS tradit modum in potu exhibendi aquas sponte nascentes tum calidas tum frigidas, et dicit nonnullos ignaros calidis aquis imprudenter,

E

ter,

Cum tua vel mutis tribuant miracula vocem,  
Cum tibi Phoëbeus carmina dictet honos,  
Et sit nulla manus, cujus non pollice ductae  
Testentur memores prospera vota notae;  
Nonne reus Musis pariter Nymphisque tenebor,  
Si tacitus soli praetereare mihi?  
Indictum neque enim fas est tacitumque relinqui  
Hunc, qui tot populis \* pervolat ora, locum.

vers. 1—10.

In alio carminis loco sic fontem alloquitur,  
Salve Paeoniae largitor nobilis undae:  
Dardanii salve gloria magna soli:  
Publica morborum requies, commune medentum  
Auxilium, praesens numen, inempta salus.

vers. 67—70.

Prope finem dicit,

Quis casum meritis adscribere talibus audet?  
Quis negat auctores haec statuisse Deos?  
Ille pater rerum, qui saecula dividit astris,  
Inter prima poli te quoque sacra dedit,  
Et fragilem nostri miseratus corporis usum,  
Telluri medicas fundere jussit aquas,  
Parcarumque colos exoratura severas  
Flumina laxatis emicuere jugis.

vers. 81—88.

Denique istius regionis incolarum felicitatem describens, pergit,

Felices proprium, qui te meruere coloni,  
Fas quibus est Aponon juris habere sui.  
Non illis terrena lues, corrupta nec austri  
Flamina, nec faevo Sirius igne nocet.  
Sed quamvis Lachesis letali flamine damnet,  
Inde sibi fati prosperiora petunt.  
Quod si forte malus membris exuberat humor,  
Languida vel nimio viscera felle virent,  
Non venas referant, nec vulnere vulnera sanant,  
Pocula nec tristi gramine mista bibunt.  
Amissum lymphis reparant impune vigorem,  
Pacaturque aegro luxuriante dolor.

vers. 89—100.

\* Quidam legunt *provocat*.



ter, et nulla habita ratione constitutionis temporis, usos fuisse (o). Naturalium aquarum potum in vesicae ulceribus Aëtius adhibet ex Archigenis placitis (p): et paulo post de Albularum aquarum potu, quem plurimum dilaudat, agens, modum bibendi tradit; ipsam quantitatem, qua prima die, quaque deinde assumi oportent, praescribit; quid faciunt potu exceptae aperte dicit; et, occasionem nactus, alias sponte nascentes aquas, bituminosas, nitrosas, &c. iisdem in affectibus insigniter commendat (q). Alexander Trallianus dicit aquas calidas naturales utilissimas esse iis, qui expuitione, rejectioneve sanguinis vexati sunt (r). De colico affectu agens, postquam lavationem in aquis naturalibus, praesertim sulphuratis, et bituminosis, commenda-

verit,

(o) Medicin. collect. lib. x. cap. 4.

(p) Caeterum naturales aquas experiri non inutile fuerit; aluminosas videlicet, sulphurulentas, et consimiles, quales sunt Albulae, et lactei temperamenti atque teporis.

Tetrabibl. iii. Sermon. iii. cap. 30. Jano Cornaro interprete.

(q) Conferent itaque aquae Albulae, si adsint, et consimiles post matutinam deambulationem, trium heminarum mensura prima die potatae, deinde usque ad quinque et sex heminas perveniendum. Ad hoc enim, quod intestinum eluunt, aer etiam ipsarum fuliginosus vesicam ad doloris sensum percipiendum hebetat, et humoribus segregatis puriorem ac lucidiorem sanguinis vaporem reddit. Quin et ipsae aquae ulcera utiliter repurgant, et cum voluptate infra subeunt, atque adeo nihil aegro sanando efficacius deprehendere possis.—Quod si non adsit huiusmodi aquarum qualitas, adsint autem aliae nullam gustui qualitatem exhibentes, sed late se ad gustum diffundentes; hae ipsae reliquis meliores sunt censendae, et proximo ab iis loco bituminosae. Nitrosarum etiam, si adsint, et faltarum experimentum sumere prodest: majorem enim quam credi potest saepe ex his succedentem vidi effectum. Ibid.

(r) Lib. vii. cap. i.

verit, aegris concedit ipsas aquas bibere, et illas multum valere in potu exceptas testatur (s). Ultimus Graecorum advenit Paulus Ægineta, qui aquarum naturalium usum in elephantiasi, velut maxime necessarium, commendans, scribit easdem quoque in potu conferre (t). Etiam aquas calidas Bathonienses nostras in morborum medelam potas fuisse sub finem saeculi decimi tertii, vel initium decimi quarti e Gilberto Anglico manifeste demonstrat eruditissimus Freind (u). Et non obstat, quin remotioribus aëvis ob eandem causam potu exceptae fuissent.

31. PORRO veteres quorundam, quae in aquis sponte scaturientibus insunt, quaeque recentiores, qui in earum contenta diligentius inquisiverunt, animadvertere, haud prorsus ignari fuerunt. Spiritus ille volatilis, qui aquae gravem dat odorem, et temulentiam quandam inducit, illos non latuit. Testes sint fontes ab Athenaeo memorati (v), quos et Vitruvius agnoscit (w). Tales etiam Ovidio videntur ansam praebuisset mira quaedam de fontibus

(s) Καὶ πίνειν ἐπιρρεπλέον αὐτοῖς τῶν τοιούτων ὑδάτων· ἔχουσι γὰρ τὸ ῥύπτειν καὶ ἐκκαθαίρειν, εἰ τε τι γλίσχρον ἐν τε τῇ γαστρὶ καὶ τοῖς ἐντέροις εὐρεθῇ προπεπλασμένον ἀνασκεύαζει τε πολλάκις, καὶ ὅλην τὴν νόσον ἀποδιδραπύει εἰς τὸ παντελές. Lib. x. cap. i.

(t) De re medic. lib. iv. cap. i.

(u) Histor. medicin.

(v) Loc. supra citat. ad § 25.

(w) Sunt autem etiam fontes uti vino mixti, quemadmodum est unus Paphlagoniae, ex quo etiam sine vino potantes fiunt temulenti.



fontibus proferendi. Furorem enim aut soporem gravem a potu quarundam aquarum evenisse narrat (*x*), et ebrietatem, tanquam a vino, inductam esse ab hausto liquore fontis Lyncestii (*y*). Et si nonnulla veritati paulo majora literis mandasse putetur, notandum est huic licentiam cum Poëtae, tum Metamorphoseôn scriptori concedendam esse. De hujusmodi aquis Valerius Maximus testimonium perhibet (*z*). Seneca hunc spiritum unam esse e causis, quae aquis saporem impertiuntur, aperte docet (*a*); et citato Ovidio, ebrietatis aqua inductae rationem pro sua sententia tradit (*b*). Similia

- (*x*) Quodque magis mirum, sunt qui non corpora tantum,  
Verum animos etiam valeant mutare, liquores.  
Cui non audita est obscœnae Salmacis undae,  
Æthiopesque lacus? quos si quis faucibus hausit,  
Aut furit; aut mirum patitur gravitate soporem.

Metamorphos. lib. xv. 317—321.

- (*y*) ————— Lyncestius amnis,  
Quem quicumque parum moderato gutture traxit,  
Haud aliter titubat, quam si mera vina bibisset.

Ibid. 329—331.

(*z*) Vel quare alteram in Macedonia, alteram in Caleno agro aquam proprietatem vini, qua homines inebrientur, possidere voluerit [*natura*]. Valer. Maxim. lib. i. cap. viii. 18.

(*a*) At quare aquis sapor varius? Propter quatuor causas, Ex solo prima est per quod feruntur. Secunda ex eadem simulatione ejus nascitur. Tertia ex spiritu, qui in aquam transfiguratus est. Quarta ex vitio quod saepe concipiunt corruptae per injuriam. Hae causae saporem dant aquis varium, hae medicaminum potentiam, hae gravem spiritum odoremque, &c. Quaest. natural. lib. iii. cap. 20.

(*b*) Similem habet vim mero, sed vehementiorem. Nam quemadmodum ebrietas, donec exsiccet, dementia est, et nimia gravitate defertur in somnum; sic aquae hujus sulphurea vis habet quoddam acrius ex aëre noxio virus, quod mentem aut furore movet, aut sopore opprimit. Ibid.

milia quaedam habet Plinius, qui Lyncesteos aquae meminit, vini modo, homines temulentos facientis (*c*); et inebriari, qui e quibusdam fontibus bibunt, passim dicit (*d*).

32. CRUSTAM cretaceam, lapidosam, &c. quae saepe obducuntur fontium scaturigines, tubique, per quos feruntur aquae, plurimi recentiores descripserunt, uti Hoffmannus (*e*), et alii. De eadem sat clarum sermonem habet Strabo, qui aquas calidas, quae apud Hierapolin fuere, ita facile in callum coire, atque indurari dicit, ut canalibus, per quos currunt, sepes lapidosos induxerint (*f*). Caeterum haec tum Senecae, tum Plinio innotuit. Ille auctor est Albulas, atque sulphuratas, uti ait, aquas, eandem praestitisse (*g*); et de hac re iterum loquitur (*h*). Hic aquarum, inter quas calidarum in Euboea, meminit, quae ad objecta quaedam allapsae, crusta lapidea ea obducunt (*i*). Dicit idem de fontibus Mattiacis, nunc Thermis Wisbadensibus in Germania (*k*). Et eodem redire quod

(*c*) Hist. natur. lib. ii. cap. 103.

(*d*) Ibid. et lib. xxxi. cap. 2.

(*e*) De Thermis Carolinis, et alibi passim.

(*f*) Τὸ μὲν γὰρ ὕδωρ εἰς πᾶρον οὕτω ῥαδίως μεταβάλλει πηττόμενον, ὥς τ' ὀχετὺς ἐπάγοντες, φραγμὲς ἀπεργάζονται μονολίθους. Lib. xiii.

(*g*) Hoc minus videbitur tibi mirum, si notaveris Albulam et fere sulphuratam aquam, circa canales suos, tubosque durari. Quaeft. natural. lib. iii. cap. 20.

(*h*) Saxa——exesa et fistulosa, qualia sunt, quae duratus humor efficit, utique circa medicorum fontium rivos. Ibid. cap. 25.

(*i*) Lib. xxxi. cap. 2.

(*k*) Sunt et Mattiaci in Germania fontes calidi trans Rhenum.—— Circa margines vero pumicem faciunt aquae. Ibid.



quod narrat Ovidius de flumine Ciconum haud dubitandum videtur (*l*). Simile quoddam in canalibus plumbeis, per quos ferebantur, olim praestitisse Thermas Patavinas, testis est Claudius Claudianus; licet crustam illam minus recte salem nuncupet (*m*). Verum etiam in ipsis Actis Philosophicis de hoc fonte similis extat cujusdam error, qui salem ex lapidibus, &c. ad quos delabuntur aquae, collectum, nullum in se habere salis saporem affirmat (*n*).

HAEC, ut opinor, argumento, quod tractare proponebam, aquarum *scilicet* naturalium potum in medicina veteribus innotuisse, sufficiunt. Quare enarratio eorum, quae in Thermis insunt, nunc est aggredienda.

## CAPUT

(*l*) Flumen habent Cicones, quod potum faxea reddit.  
Viscera, quod tactis inducit marmora rebus.

Metamorphos. lib. xv. 313.

(*m*) In patulas plumbi labitur inde vias.  
Nullo cum strepitu madidisque infecta favillis  
Despumat niveum fistula cana salem.

De Apono fonte, 56—58.

(*n*) Philosophical Transactions. N<sup>o</sup> 83.

## CAPUT II.

## De THERMARUM CONTENTIS.

I. **T**HERMAE, caeteraeque naturales aquae, principiorum quorundam sub terra delitescentium participes, licet apud antiquos in usum medicinae tum externe, tum interne, adhibitae fuerint, tamen in earum contenta, physicis institutis experimentis, aut philosophica quadam rerum indagine, illis non erat inquirere: de his enim nihil fere observaverunt praeter ea, quae sensibus obvia, palamque patuere, sine ulla suscepta peculiari encheiresi, aut quadam ipsis aquis ex proposito inducta mutatione. Hunc exantlare laborem, in hoc vasto tentaminum agro naturae arcana scrutari, res alta caligine merfas pandere, et in apertum apricumque proferre recentioribus relictum fuit: qui quidem egregiam navaverunt operam, insignemque praestiterunt cum artem, tum diligentiam in his indagandis. Nihilominus tamen omnino confitendum est, multa huc pertinentia jam prolata sat firmis vix inniti fundamentis, vel saltem majori confirmatione indigere; dum alia haud pauca ad perfectam harum rerum cognitionem in hunc usque diem desiderata sunt, et in futurum forsan desiderabuntur. Interim ex auctoribus, qui hoc argumentum tractârunt, ea depromere, quae mihi maxime arrident, et in compendium unum quoddam illa conjicere, mei instituti est.



2. **II**, qui inter recentiores primi de aquis naturaliter scaturientibus scripserunt, nullo instituto examine multa sibi excogitaverunt principia, quae in illis inesse pervulgavere; vel si aliqua exhibuerint experimenta, de iisdem perversum protulerunt iudicium. Hinc in aquis contineri aurum, argentum, stannum, plumbum, mercurium, antimonium, arsenicum, sal ammoniacum, &c. per complures annos olim creditum fuit. Quicumque farraginem eorum vult, quae in his inesse auctores fabulati fuerunt, adeat Baccium (*a*), aliosque, qui illorum amplos numeros recensuere. Et profecto exigua his rebus effulsit lux, atque perpauca de iis sermones vel recti ingenii, vel probae scientiae fuere proventus, donec sanio-rem Chemiam excoluerint homines, nugis ac ineptiis immunem, et ab infanis, inconditisque notionibus, utcunque repurgatam: tunc enim optima methodo puram ambire Philosophiam incipientes, nonnulla haud levis momenti, memoratuque digna et promissere, et cum publico communicaverunt. Inter eos, qui in hisce defudavere merito primum locum tenet vir ille eminens, et rationalis Chemiae peritissimus, Fredericus Hoffmannus, qui artem istam multis inventis locupletavit, et argumento proposito maximam attulit lucem (*b*).

3. **QUONIAM** mihi de Thermis sermo speciatim futurus est, de harum caloris causa nonnulla praefari

(*a*) De Thermis.

(*b*) Vid. ejus opuscula varia de aquis mineralibus, &c.

praefari haud absonum videtur. Haec fanè multorum torfit ingenia, et plurimae excusae sunt hypothefes, ut hujus phaenomeni rationes elicerentur. Quidam volunt calorem huncce oriri ab effervescencia falium a se invicem discrepantium, nonnulli a solis actione illum deducunt, et alii a corruptione quadam. Quidam istum evenire dicunt a subterraneo quodam igne, vel calore in profundis terrarum ex instituto naturae existente; alii ejus causam petunt a congressu ipsius aquae cum sulphure et ferro: alii autem alias de hac re excogitarunt sententias. Opinio, quae mihi maxime aridet, est, illum incunabula sua trahere ab igne, vel calore quodam, a materiis quibusdam in visceribus terrae genito, et foto. Physicorum nullus est, qui nescit experimentum a clarissimo Newton (*c*) aliisque allatum, calorem nempe magnum nasci, et tandem etiam flammam emitti e massa, quae cum sulphure et ferro simul commixtis conficitur, si ei aqua affusa fuerit. Etiam observavit Tournefort ipsas limaturas ferri in aqua communi, multo magis autem in aqua marina infusas calefieri (*d*). Supponatur ergo talem, vel omnino similem, misturam aliquo loco in reconditis terrarum accidere, necesse est exinde oriri calorem, et etiam ignem, si aëri aut externo, aut in cavernis subterraneis existenti, sat liber pateret accessus. Aërem enim, qui omnia pervadit, etiam sub terris latere perquam

F probabile

(*c*) Optic. p. 354.

(*d*) Voyage au Levant, Part. i. Let. 4.



probabile est, et haud leviter confirmatur ex eo, quod hujus insignem copiam possideant aquae quaedam naturales; et narratur, notum esse iis, qui in fodinis operantur, aliquando in profundis locis aëris thesauros erumpere (*e*). Ignis hoc modo conceptus terrae motibus, materialiumque candentium eruptionibus, uti videtur, occasionem praebet: atque aut hunc ignem, aut calorem istum, ex quo is gignitur, veram ac genuinam existere aquarum caloris causam admodum verisimile est.

4. HAUD equidem ignoro huic sententiae contra stare nonnulla, quae objici possunt. Sed neque mei instituti est ad illa respondere, neque id sinunt hujus tractatus limites et ratio. Sufficit tantum observare nullam de hac re esse hypothesein, cui non opponi queunt argumenta quaedam, speciem veri prae se utcunque ferentia: illam autem, quam ego exhibui, prae aliis elegi, tanquam, uti mihi videtur, difficultatibus minus, quam caeterarum ullas, obrutam. Alii aliter sentiant. Notum est calorem, ignisque materiem per longum tempus in loco clauso, et externo aëri praecluso latere, et nova quadam data occasione iterum in flammam erumpere. Hoc in incendiis urbium saepe visitur. Caeterum res pervulgata est fodinas carbonarias, quae aliquo infortunio accensae fuerunt, aliquando non solum vix arte quadam extinguui posse, sed etiam valde diu incendium pati, ignisque pabulum in longum fovere. Hujus rei testimonium fac luculentum

(*e*) Randolph on Bristol Waters, p. 166.

culentum perhibet Hoffmannus de monte quodam carbonario in Misnia olim a Suecis incenso (*f*). Et terra carbonaria, prope oppidum Dyfart in comitatu Fifensi in Scotia, e possessionibus inclyti viri Praefecti militaris Sinclair, jam per trecentos, et quot excurrerunt, annos exarsit, ignemque in se reconditum inextinctum servavit. Æneas Sylvius, Pontifex olim Romanus, sub nomine Pii II., istius terrae mentionem facit. Porro subterraneum ignem, aut calorem causam esse, ob quam aquae calidae e terra profiliunt, fidem faciunt Thermae copiose admodum in illa Italiae regione, quae circa Vesuvium jacet, scatentes. Et quod in illo Bohemiae tractu, quo Thermae Carolinae scaturiunt, olim exarserint ignes, testantur Agricola (*g*) et Balbinus (*h*): ibidemque terram circumjectam adhuc calidam esse narrat Hoffmannus (*i*). Caeterum optime confirmatur haec sententia de calore Thermarum, ab experimento, quod instituit Rochas (*i*\*), qui curavit terram effodi, ut causam caloris fontis cujusdam inter Sabaudiae montes erueret: hoc inito labore, denuo post quindecim dies adventum fuit ad locum, ubi aqua valde calida fuit, multumque ebullivit; et cum per tres alios dies effoderetur terra, inventum est aquam istam prorsus frigidam fuisse, a qua calidam suppetias habere omnino

(*f*) De Thermis Carolinis, cap. i. § 16.

(*g*) De re metallic. § 562.

(*h*) Histor. regn. Bohem. cap. xxxii. p. 81.

(*i*) Loc. citat. § 19.

(*i*\*) Tract. de aq. mineral. cap. i.



omnino necesse fuit. Sed gravius in hac re argumentum vix haberi queat, quam id, quod narrat Migniot de tepido fonte S. Amandi, Valentinianam inter et Tornacum sito, in tractu admodum paludoso, terraque molli instructo; narrat enim aliquando ibi auditos esse sonos aut rumores quosdam subterraneos sat notabiles, iis, qui maris tempestates praecedere solent, haud absimiles, et semper tunc temporis turbari scaturiginis aquam, ejusque odorem sulphureum intendi (*k*). His omnibus simul sumptis, atque inter se comparatis, concludere licet, ut opinor, caloris causam in aquis esse harum congressum cum materiis quibusdam, sulphure et ferro fortasse, in subterraneis recessibus sedes suas habentibus. Annon enim, cum sic se res manifeste habeant in locis nonnullis, facile inferri possit etiam in iis, ubi haec minime observantur, tale simile quoddam in abditis terrae visceribus existere, et alias aquas hoc eodem modo calidas reddi? Quicquid vero hujus caloris causa sit, quaedam de illo digna sunt observatu,— Thermae nempe sponte scaturientes calorem suum serius amittere, quam aquam communem ad eundem calefactam gradum; eandem cum illa vim ignis eas experiri necessum esse antequam ebulliant; tactumque minus afficere, licet aequalis calor illi arte inductus sit, Thermometro aestimandus.

5. AN acidam, an alcalinam indolem sibi vindicant Thermae, proximo loco inquirendum est.

Frigidas

(*k*) *Traité des Eaux minerales de S. Amand.* p. 9. 10.

Frigidas naturales aquas acidas esse olim omnibus creditum fuit. Error iste ab earum sapore leviter pungente ortum habuit; unde et acidulae nominatae fuere. Clarissimus Hoffmannus primus omnium hanc sententiam debellavit, atque omnino falsam esse, sat validis adductis argumentis, demonstravit (1). Ab ejus enim experimentis clare constat, ne unum quidem ex medicatis Germaniae fontibus, vel calidis vel frigidis, aliquid acidi natura sua ac genuina forma se prodentis continere; sed omnes vel neutrius vel alcalicae prorsus esse naturae. Cum alcalicis enim nullam effervescentiam cient; cum syrupo violarum nullum rubrum induunt colorem: e contrario pleraeque tum Thermae, tum Acidulae, acidis instillatis plus minusve ebulliunt, et syrupo violaceo viridem colorem conciliant. Facile igitur patet eas inter alcalica potius quam inter acida enumerandas esse. Faten- dum tamen equidem est iis inesse acidum cum aliis principiis conjunctum: et quod sic se res habeat, neque Hoffmannus, neque ullus alius, quod sciam, unquam inficias ivit. Sic enim acidum quoddam symbolum suum conjicit ad formationem salis communis, caeterorumque salium mediae naturae, ut et fortasse salis ipsius alcalini, quae omnia in aquis medicatis his aut illis inveniuntur. Et forte, uti plerumque fert opinio, in quibusdam aliquid acidi vitriolici cum ferreis particulis in consortium venit,

(1) De principiis et virtutibus praecipuorum medicamentorum Germaniae fontium.



nit, eas solutas servat, et in aqua suspendit. Verum enimvero acidum hoc tanquam acidum se non manifestat, sed aliis principiis obrutum delitescit. Hoc autem nullo modo contradicit relatae sententiae de aquarum alcalina natura, quae tantummodo requirit nullum acidum ab aliis principiis secretum, et separatim in hisce existere; quod quidem veritati maxime consentaneum est.

6. *QUAENAM* in Thermis continentur nunc est enarrandum. Praeter elementum ipsum, aquam *scilicet* puram, levem, &c. hic primum se offert aër, qui, sicut in omnibus aliis, etiam in aquis medicatis tum calidis, tum frigidis, inest. Harum quaedam majorem, aliae minorem hujus copiam in se retinent. Patet autem multis institutis experimentis aërem in illis latere. Notum est cum e fontis scaturigine excipiantur, in his bullulas quasdam concitari superficiem petentes, atque instar vini liquorem subfilire. Porro aqua recens excepta si aliquamdiu in lagenis vitreis probe obturatis relicta sit, hae vi quadam notabili crepant et diffringuntur. Antliae Pneumaticae actioni subjecta aërem copiose emittit; et etiam si in ampulla inclusa sit, cujus vertex vesica oleo madefacta obductus est, caloris ope, vel etiam sine illa, affurgit bullula aëris vesicam sursum elevans, seque mole quadam manifeste prodens (*m*). Caeterum si in ampullam quandam aquae nonnullae medicatae tantum non  
ad

(*m*) Vid. Chrouet Connoissance des Eaux minerales d'Aix, de Chaud-Fontaine, et de Spa, p. 68. & Shaw's Enquiry into the Contents, &c. of Scarborough Water, p. 137---139.

ad plenitudinem infundantur, et vasis orificio probe tecto inter manus agitentur, statimque post agitationem obstaculum ab orificio removeatur, sentietur aura quaedam sat notabili vi exiens, et simul sonum edens. Sagacissimus in experimentis instituendis Hales aëris varias ac determinatas quantitates ex aquis variis elicuit (*n*). Observandum tamen est Thermas ob calorem suum, quo, ut plurimum, rarefactus et dissipatus est aër, hujus minorem, quam acidulas, retinere copiam.

7. Quisnam sit hicce aër? An genuina sua forma sub aquis delitesceret? An de novo generatus sit ex quadam mutatione aliis principiis inducta, unde horum aliquid aër omnino devenit? An sit tantum aër intestina quadam commotione e statu fixo revocatus, atque elasticitati restitutus? Sane his quaestionibus respondere, aut aliqua de iisdem statuere, mearum non est virium. Admodum ingeniosa est circa hanc rem conjectura viri eximii Petri Shaw, M. D. acidum *nempe* in aquis latens a quibusdam earum principiis sese gradatim expedire, et cum terra alcalina societatem initurum, lenem quandam, ac tardam ciere effervescentiam; unde, sicut in aliis effervescentiis, elicitur aër elasticus, qui antea fixus fuit (*o*). Attamen nondum experimentis haec satis confirmata est: verum e- quidem, si quae alia, perquam digna est, ut artis inductionis ope in illam ulterius inquireretur.

#### 8. PRAETER

(*n*) Statical Essays, Vol. i. p. 181. and Vol. ii. p. 267.

(*o*) Enquiry into the Contents, &c. of Scarborough Water, p. 128---131. and p. 144.



8. PRAETER aërem videtur etiam inesse, cum in Thermis, tum in acidulis, spiritum quendam volatilem, subtilissimum. Aquae enim multae sunt, quae ad fontem haustae levem temulentiam ceu ebrietatem inducunt, (quamvis hinc dulce curarum levamen, caeterave Horatiani Lyaei munera nemini expectare liceat) ; alio autem deportatae, vel aëri aliquamdiu expositae, nullum talem praestant effectum. Praeterea quaedam sunt, quae si ad ipsam scaturiginem bibantur, ventriculo admodum gratae sentiuntur, appetitum adaugent, hilaritatem animi largiuntur, et in morbis juvandis insignem sibi vindicant virtutem ; quodam vero tempore elapso, aliae quidem citius, aliae ferius, hisce proprietatibus insigniter orbarae sunt. Hinc igitur liquet iis inesse singulare aliquod penetrans, et leniter stimulans, ab aëre ipso prorsus diversum, quod tamen brevi, ut plurimum, avolat. Odor et sapor, in aquis quibusdam recens e fontibus exceptis observandi, idem confirmare videntur ; si enim aliquamdiu seponantur in vase aperto, aut non probe obturato, et unum et alterum amittunt, et quasi vapidae deveniunt. Caeterum spiritus ille, aut subtile quoddam eo nomine insignitum, liquido evincitur experimento illo pervulgato, quo pulvis gallarum, folia theae, flores balaustiorum, ceu alia fere quaecunque adstringentia, cum aquis nonnullis commixtae, iis colorem inducunt coeruleum, purpureum, aut nigrum. Hoc, uti notum, indicium est ferruginei cujusdam principii in aquis reconditi;

reconditi; quodque illud adeo subtile, ac volatile sit, ut merito spiritus nomine dignetur, discimus ex eo, quod, si aëri per quoddam temporis spatium exposita fuerit aqua, facultatem cum adstringentibus tingendi certo certius amittat; unde facile patet aliquid ex illa sese expedire, atque fuga se subducere. Hunc spiritum ab aëre omnino distinctum esse, neque leges easdem, ac illum, subire, docet inter alia perelegans illud experimentum celeberrimi Shaw, quo constat, licet aqua, quae durante hebdomada in ampulla vitrea custodita fuit, suum tum aërem, tum spiritum amisisset, aquam tamen ex eodem fonte subductam, postquam aërem suum, antliae pneumaticae ope eructavit, aequè prompte ac antea atrum inivisse cum gallis colorem (*p*); manifesto indicio spiritum istum neque aërem esse, neque semper cum illo prorsus implicitum evolare.

9. Post discessum aëris, et spiritus, omnino expectandum est in aquarum pondere aliquam induci mutationem, quae sensibus innotescat; et quidem rationi consonum videtur, harum specificam gravitatem intendi, absolutam vero minui. Nam aëre, caeterisque subtilibus principiis subductis, patet liquidi tantam quantitatem, quanta eandem ac antea constituat molem, densiorem, ideoque ponderosiores evadere, utpote materiae plus eadem sub superficie continentem: ex alia autem

G

parte

(*p*) Enquiry into the Contents, &c. of Scarborough Water, p. 137,—141.



parte aquam, post horum avolationem remanentem, particulis quibusdam privatam, et mole diminui, et leviozem evadere omnino necessum est. Sagacissimus Hoffmannus instrumento quodam gradibus notato, quod aquis immittere solebat, usus, suspicatus est spiritum elasticae esse indolis, seseque expandendo illum sursum elevare, atque idcirco aquam, ante ejus discessum, gravitatem, post autem, levitatem quandam specificam mentiri (*q*). Vir singularis industriae Thomas Short, medicus Sheffieldensis, enarrat aquas quasdam medicatas, postquam antliae pneumaticae actioni subjectae, aut alio deportatae fuerint, majorem prae se ferre gravitatem, hujusque rei rationes iniens dicit, “ exinde liquere aquam aliquas particulas amisisse, “ quae, quoniam neque vehiculum ipsum, neque “ fixa ejus contenta sint, aër aut spiritus prorsus “ sunt censendae (*r*).” Haec sane de gravitate earum specifica intelligenda sunt. Verum omnium, quos consului auctores, nullus adeo clarum et luculentum in hac re perhibet testimonium, ac vir ingeniosus Franciscus Home, M. D. qui aquam in ampulla firmissime obturata aliquamdiu sepositam aliquot granis leviozem, quam ad fontem esse

(*q*) De elementis aquarum mineralium recte dijudicandis et examinandis, § 6. De principiis et virtutibus praecipuorum medicamentorum Germaniae fontium, § 33. De fontis Spadani et Schwalbacensis convenientia, §. 13, 14.

(*r*) History of mineral Waters, p. 56. Vide et p. 45, 164, 170, edit. 1734.

se aperte scribit, rectumque de hoc iudicium profert, spiritum *nempe* se fuga subduxisse (s).

10. NEQUE sententia haecce, de spiritu volatili et subtilissimo in aquis hospitante, rectae rationi et analogiae rerum ullo modo abscondita est; tantum abest, ut aliquid mirum, aut incredibile in se habeat. Simile enim quoddam observare licet in aliis liquoribus, [e. g. in oleis, et vinis] qui, aëri libero aliquamdiu expositi, vim suam ac virtutem amittunt, odorem, saporemque deponunt, et vapidum prorsus eveniunt. Idem, uti notum, plantis aromaticis, et aliis quibusdam substantiis accidit. Verum equidem nihil hujus rei gravius indicium praebet, quam fermentans liquidum, quod multum ac copiose aërem eructare observatum est, quem semper comitatur spiritus, aut subtile quoddam singularis indolis, nullius ope, nullo artificio cohibendum, licet sese miris effectibus manifestet (s\*). Quum igitur tot, et tanta argumenta spiritum in aquis medicatis delitescere evincant, qui et analogiae rerum maxime consentaneus est, extra dubium videtur poni hunc in illis existere. Quas autem leges hicce spiritus subit adhuc ignoratur. Licet ergo clarissimus Hoffmannus Thermas ob calorem suum spiritu citius, quam acidulas, orbari existimet (t) ; tamen hoc legitime inferri posse non

(s) Essay on Dunse-Spaw, p. 160, 163.

(s\*) Vid. Boërhaav. Element. Chem. Part. 3. inter Process. xlii et xliii. ubi de ferment. § 20.5.

(t) De convenientia elementorum ac virium in Thermis et Acidulis, § 14.



non adeo clare constat. Nam spiritus non est aër, quem revera calor rarefacit atque dissipat : aër sine spiritu elicitus, et spiritus sine aëre amissus fuit (*u*). At auctor supradictus, licet celeberrimi nominis, acutissimique ingenii fuerit, in opusculis suis de aquis medicatis inter harum aërem et spiritum non satis distinctionem inivit ; imo etiam hos duos simul confudisse videtur, atque uno tantum nomine, spiritus *scilicet*, comprehendisse et unum et alterum (*v*).

II. *QUISNAM* sit hicce spiritus, aut qua forma in aquis hospitatur, operae pretium est inquirere ; plerique, si non omnes, consentiunt esse particulas ferri, vel ochrae minutissimas : at iterum in diversas partes abeunt, cum modum, quo hae in fluidis existunt, explanare aggrediantur. Quidam volunt metallum solvi, inque particulas adeo subtiles, ac in aqua suspendi possint, dividi a quodam acido, quod, uti dicunt, proprium est metallorum menstruum. Ita communis fert opinio, ad quam tuendam contenditur acidum esse universale vagum, ceu vitriolico-sulphureum, quod omnia permeans, sese cum particulis ferri, sicut cum aliis substantiis, conjungit, eas solvit, volatiles reddit, unaque cum iis spiritum in aquis subtilem constituit. Videtur hanc magni Hoffmanni esse sententiam, qui tamen, uti confitendum est, nonnulla  
circa

(*u*) Vid. supra not. (*p*) & (*s*).

(*v*) De Elementis aquarum mineralium recte dijudicandis et examinandis, § 8—16. et alibi passim.

circa hanc rem, quae paulo obscuriora sunt, pervulgavit. Sermonem enim habet de “ aethereo  
 “ quodam valde mobili, ac subtili fluido, spiritu  
 “ universali, fonte et causa omnis spiritusascenditiae,  
 “ sedem suam, vim atque virtutem maxime collocatam habente in sulphure, substantia valde tenui, fluida, admodumque elastica, et volatili,  
 “ cum universali mineralium sulphureo ente combinata, omnesque terrarum tractus pervagante,  
 “ anima quasi mineralium, variarumque mutationum, et effectuum, qui in promptuario subterraneo contingunt, causa (w).” Secundum hanc sententiam spiritus aquarum vitriolum quoddam volatile est. Et dicunt hujus assertores, quod acidum illud subtile evolans secum rapiat aliquas particulas, quas solutas tenuit, alias autem dimittens sine illis aufugit, unde ochracea quaedam, sive martialis materia ad fundum vasorum, quibus includuntur aquae, deponitur. Porro in experimento cum pulvere gallarum, &c. instituto dicitur, illum pulverem, caeterave adstringentia, acidum solvens absorbere et retundere, unde particulae prius solutae praecipitantur, et illico inducitur aquis color caeruleus, purpureus, ater, magis aut minus intensus (x).

12. VERUNTAMEN est alia de spiritu aquarum opinio, illum scilicet esse ferreas, aut ochraceas particulas

(w) Ibid. § 18.

(x) Vid. Shaw's Enquiry into the Contents, &c. of the Scarborough water, p. 146.—156.



particulas in maximam subtilitatem divisas sine acidi cujuspjam auxilio. Et non possum non confiteri me potius ad hanc inclinare; utut probabilis, ac veritati consentanea altera videatur. Cur enim in aquis medicatis, praesertim in iis quae copiosissime spiritu fartae sunt, semper tantum ferrugineum, nunquam vero vitriolicum saporem gustu percipere possumus, si partium divisio, atque solutio, ab acido fuerint effectae? Aut quare nulla vitrioli signa in aquis reperire valemus?—Notum est omnia corpora, quo plus dividuntur, superficiem majorem adipisci, donec in partes minutissimas resoluta, maximam acquirunt; hae autem partes minutissimae, admodumque leves, si liquidi cujuspjam particulis contiguae sint, cum illis conjunguntur, inque fluida massa suspenduntur. Hoc modo omnia, quae solubilia sunt, in menstruis solvuntur. Verum enimvero ferrum hac sola ratione, sine ullo acido interveniente, dissolvi posse quaedam fidem faciunt. Observatum enim est, etiam atramentum quoddam confici posse, tantummodo in aqua pura gallarum pulvere farta, massam nitidi ferri infundendo (y). Chalybis etiam limaturis in aqua distillata infusis, phaenomena quaedam notata sunt, iis, quae in quibusdam aquis medicatis cernuntur, haud incongrua (z). Si ergo ferrum ope solius aquae in tantam partium subtilitatem redigi queat, quid quaeso, obstat, quin

in

(y) Ibid. p. 151. 158.

(z) Vid. Home's Essay on Dunse-Spaw. p. 157. 158.

in fontibus naturalibus simili modo dissolvatur? Caeterum observatu non indignum est omnia, quae spiritus ergo aquis contingunt, hac hypothese aequae facile ac illa, quae acidum complectitur, explicari. Particulas enim illas, quae subtilissimae sunt, atque sese invicem aut non attingunt, aut saltem extra mutuae suae attractionis sphaeram disponuntur, sese e liquido expedire, et evolare, prorsus expectandum foret: dum ex alia parte, eae, qui sibi invicem maxime contiguae sunt, in massulas majores attractionis ope compingentur, graviores idcirco reddentur, ac in aqua tandem praecipitabuntur; unde origo substantiae cujusdam ochraceae, martialisve, in fundo vasorum, quibus aquae contentae fuerunt, ut et circa fontium scaturigines saepius repertae, petenda est. Nonnullae interim, neque adeo subtiles, et ab aliis disjunctae, ac prorsus volatiles fiant, neque concretae in particulas tantae molis, ut prorsus eas delabi necesse sit, ad superficiem aquae sursum eleventur, ibidemque in tenuissimam pelliculam, a solo viro ingenioso Francisco Home, M. D. tractatam, formatae liquori supernatant (a). Notandum autem est, hac in re maximam interesse similitudinem inter aquas quasdam naturales, et aquam calcis, uti optime observavit Collegii Physiologici in hac Academia Professor eruditus: haec enim cocta vel distillata virtutem suam magna ex parte amittit; et aëri diutius exposita, aquarum ferra-

(a) Essay on Dunse-Spaw, p. 60—62. 157. 160.



ferratarum instar, particulas nonnullas dat, quæ sursum elevatae, et congestae, pelliculae formam ad superficiem induunt; et aqua ipsa viribus suis orbat. Nihilominus tamen quod ullum quidem acidum in aqua calcis insit, ejusdem egregii auctoris experimenta falsum esse evincunt (*b*). Quod vero ad experimentum cum pulvere gallarum, aliisve adstringentibus, institutum attinet, cujus ratio a celeberrimo viro (qui tamen in sententiam (*b*\*), quam tueor, potius inclinare videtur) ope acidi explicata est; illud, ni fallor, magis ad hanc, quam ad illam opinionem confirmandam facit. Si enim pulvis gallarum, folia theae, aut quaecunque alia adstringentia praecipitationem ferri acidum absorbendo vel retundendo efficiant; an non multo magis expectandum est, substantias alcalinas, uti sales alcalinos, oleum tartari per deliquium, &c. utpote acidis maxime contrarias, eandem omnino praestituras esse? Haec vero ex talium cum aquis admixtione nequaquam contingit. Quare opinor hunc gallarum, &c. effectum vi adstringenti, qua omnes illae substantiae pollent, potiustribuendum esse: in proclivi enim est judicare res hac virtute agentes facere, ut ad se invicem appropinquent particulae ferreae minutissimae, unde attractionem inter seipsas mutuam intendi necessum est.

Hinc

(*b*) Vid. Dr. Whytt's Essay on Lime-water, p. 62, 63. & 74, 75.

(*b*\*) Enquiry into the Contents, &c. of Scarborough Water, p. 158—160.

Hinc in massulas majores stat cito coeunt, aquam caeruleo, purpureo, aut atro colore tingunt, admodumque graves redditae in fundum tandem, saltem pro maxima parte, delabuntur. Hanc illius phaenomeni veram existere causam, et ne ullum quidem acidum, in hoc negotio, quoquo modo ab adstringentibus debellari, haud leviter confirmatum est, uti videtur, ex observatione clarissimi Hales; qua constat, multas aquas naturales, quae, aliquamdiu sepositae, ochram deposuerunt, postquam magnam quandam corruptionem subierint, qua haec in subtilissimas particulas iterum resoluta est, ope pulveris gallarum, &c. colorem induere aequae intensum, ac ille, qui iis, ex ipsa fontis scaturigine recens exceptis, eorundem ope conciliatur (c). Ex omnibus hisce inter sese comparatis nonne inferre liceat spiritum, qui in aquis inest, ferrum esse, vel per se, vel forte cum quibusdam aliis principiis, uti sulphure, &c. maritatum, ibi hospitans, inque subtilissimas particulas solius naturae ope sine ullo acido interposito divisum? Et revera, siquidem quoddam tale praestare queat ars, vix dubitandum est naturam ipsam, quae multo lentius, firmitus, atque acutius illa operatur, id efficere posse. Tamen hanc sententiam pertinacius profiteri nolim; dico tantum in praesenti mihi visam esse probabiliorem.

13. HACTENUS de Thermarum contentis, quae volatilia sunt, egi; fixa earundem contenta nunc

H

sunt

(c) Vid. Dr. Hales's Experiments and Observations on Chalybeat Waters, p. 105.



sunt enarranda, quae quidem variis modis eruuntur, *scilicet*, aliorum aquis admistione, partis liquidae distillatione, aut exhalatione, saliumque in crystallos formatione. Incipiendum est a sale marino, ceu communi, quem in fluidis hospitari docemur, si facta solutione argenti in spiritu nitri purissimi, vel aqua forti optima, ejus nonnihil iis instilletur; exinde enim fit, ut praecipitetur argentum, spiritu nitri, ceu aqua forte, id non amplius solutum tenere valente, simul ac istius salis aliquid ei adjiciatur, uti Chemistis perquam notum est. Porro si sal communis in aquis insit, et ignis ope distilletur, aut exhaletur liquidum, donec nil nisi sicca quaedam materia in fundo vasis restet, huicque addantur guttae nonnullae olei ceu spiritus fortis vitrioli, ascendet statim vapor quidam albus et pungens, spiritum salis marini Glauberi odore suo quam maxime referens. Sin autem aqua tantummodo exhaletur, donec in ejus superficie appareat pellicula quaedam, ac deinde in loco paulo frigidiori seponatur, sal ipse in cubicos crystallos abit, seseque manifeste prodet, utpote omnes salis marini, ceu communis, dotes prae se ferens. In aquis nonnullis medicatis, tum Thermis, tum Acidulis, sal iste inest; atque hisce modis tractatae illum aperte ostendunt.

14. NITRUM, ceu sal petrae, an in Thermis, aliisve fontibus naturalibus insit, non adeo clare constat: magnum enim est de illo inter auctores dissidium. Hoc usquam in aquis naturalibus contineri

neri dubitat Hoffmannus, quoniam sal petrae nunquam e terrae visceribus eruatur, sed ad ejus superficiem solam reperiendus sit, ortum suum trahens a substantiis quibusdam alcalinis, cum acido aëreo connubio junctis (*c*\*). Veruntamen apud plurimos, ni fallor, auctores, ex confesso habetur in aquis medicatis inesse nitrum murale ceu calcarium Listeri (*d*). Hoc idem est, ac a parietibus vetustissimis aedificiorum saepius obtinetur, et multis quidem a vero sale petrae discrepat. Verum enimvero quod a viro sagacissimo sali petrae objicitur, videtur pari ratione et huic contra stare. Quare longe a me absit, quod inficias eam purum nitrum, inflammabile dictum, in aquis quibusdam contineri. Sane in istis regionibus, quibus sponte terrae superficiei accrescit, aquis pluvialibus dissolutum in ejus interiora deferri queat, iterumque una cum fontanis erumpere. Ne multis dicam, — mihi videtur plurimos auctores, qui de aquis sponte scaturientibus scripserunt, testimonia admodum manca, saltem non sat clara, adhibuisse de hocce sale: nulla enim experimenta instituerunt, quibus constet salem istum, quem nitrum nuncupant, esse revera salem petrae, vel tantum nitrum murale ceu calcarium Listeri (*e*). Ut autem omnis

in

(*c*\*) De elementis aquarum mineralium recte dijudicandis et examinandis, § 38.

(*d*) De fontibus medicatis Angliae, exercitat. 1<sup>ma</sup>, cap. ii. 5.

(*e*) Vid. Short's History of mineral Waters, & Keir on Bristol Waters, cap. ii. § 2.



in hac re controversia dirimatur, non solum experiri oportet in cuiusdam figurae crystallos abeat sal ille, qui in aquis repertus, nitrum audit; verum etiam, cum hi formentur, tentaminibus erit explorandum, an, salis petrae more, igni admotus scintillas emit-  
tat, aut carbonibus candentibus ei injectis strepitum notabilem edat, fulminet, et in salem fixum alcalinum convertatur; aut oleo vitrioli ei instillato spiritum exhalet spiritui nitri Glauberi quam similimum, &c.: ut et ex alia parte, an, nitri muralis, ceu calcarii Listeri more, talia neutiquam praestet, sed in ferrum candens impositus, in bullulas five vesiculas elevetur, ac in massam utcunque levem, spongiosam, albamque abeat. Haec equidem, aliaque experimenta prorsus digna sunt, quod instituantur. Attamen ne unus quidem, quem ego consului, auctor in haec, sat accurata rerum indagine, unquam inquisivit.

15. CAETERUM inest in aquis quibusdam medicatis sal quoddam medium sali cathartico amaro, five Epsomenfi, maxime consimili, omnium salium, quae in crystallos redigi possunt, citissime in aqua dissolvens; unde, liquoris exhalatione repetitis vicibus instituta, omnium postremum propria sua forma obtinetur. Salia enim ista, quae in aqua promptissime solvuntur, hac encheiresi, uti notum, non nisi post reliqua omnia ex illa eruuntur. Sal hoc idem ac nitrum calcarium Listeri facit Hoffmannus, nulla habita inter duo distincti-

one (*f*). Saepius in aquis, quae frigidae scatent, repertum est, aliquando autem et in iis, quae calidae sunt, uti in fonte Carolino, prope molendinum, terra cretacea et lapidosa experte (*g*). Etiam in aquis quibusdam naturalibus contineri videtur sal quoddam neutrum, sui omnino generis, utpote nullis aliis salibus, quae adhuc cognita sunt, ex omni parte respondens (*b*).

16. DE sale fixo alcalino, qui in Thermis hospitatur, proximo loco agendum est; et hic sane acri quodam examine perpendi debet. Clarissimus Hoffmannus primus omnium fuit, qui eum in aquis medicatis contineri observavit (*i*). Et id quidem argumentis sat firmis visus est probasse. Ante illum suspicatus est doctissimus Boyle talem salem in aquis naturalibus delitescere, licet hujusmodi aliquid ex iisdem ipse nunquam elicere potuerit (*i*\*). Longo admodum tempore communis fuerat omnium Chemicarum opinio, nullum in rerum natura dari salem alcalinum, quem artis solius ope semper elici, atque ignis omnino progeniem esse crediderunt. Hanc tamen opinionem falsam

(*f*) De elementis aquarum mineralium recte dijudicandis et examinandis, § 49, 50.

(*g*) Hoffman. de principiis et virtutibus praecipuorum medicamentorum Germaniae fontium, § 20, et de Thermis Carolinis, cap. ii. § 4.

(*b*) Vid. Shaw's Enquiry into the Contents, &c. of Scarborough Water, p. 105—115.

(*i*) De elementis aquarum mineralium recte dijudicandis et examinandis, § 48, et alibi passim.

(*i*\*) Short Memoirs for the Natural History of Mineral Waters, in the Notes on Part ii. § 3. Article 26.



falsam esse docuerunt fidissimorum quorundam auctorum observationes ; in regionibus enim Orientalibus, uti in Ægypto ad lacum Natron, et prope Smyrnam, insignis salis alcalini copia obtinetur, ipsius naturae sobolis (*k*). Et in fontibus quibusdam naturalibus inesse salem fixum alcalinum plurima fidem faciunt. Sepositis vero nonnullis argumentis, quae inter alia ab egregio Hoffmanno ad hanc suam sententiam stabiliendam adducuntur (*l*), uti quae supra memorata sunt de aquarum cum acidis conflictu, viridique colore, quo syrupum violarum inficiunt (*m*) ; quippe, meo quidem iudicio, seorsum considerata ostendunt tantum, aquas indolem quandam alcalinam fortiri, minime autem evincunt hanc salis cuidam alcalino tribuendam esse, quoniam et oriri omnino possit a terra alcalina in aquis hospitante : sepositis, inquam, hisce vix sat firmis argumentis, ad alia validiora progrediendum est. Si igitur aquae medicatae quaedam exhalentur, non solum in fundo vasis restabit materia alcalina, cum acidis pugnam ciens, verum etiam hanc iterum aquae committendo, solutam percolando, et altera vice exiccando, salis pure alcalini nonnihil obtinebitur, cum acidis effervescentis, unaque cum iis in salem quendam neutrum a-

beuntis,

(*k*) Vid. Tournefort Voyage du Levant, Part. ii. — et Carol. Clus. lib. ii. de Exotic. — et Hoffman. de Thermis Carol. cap. iv. § 3.

(*l*) Ibid. cap. ii. § 6, et alibi.

(*m*) § 5.

beuntis (*n*). Porro hicce fal cum sulphure maris tatus, et igne tractatus in massam hepatis sulphuris simillimam transit, ex qua, spiritus vini ope, parari possit elegans admodum sulphuris tinctura (*o*). Praeterea fali ammoniaco si admisceatur, falis fixi alcalini more, acidum ejus petit, alcali autem liberat, quod spiritus volatilis forma extemplo exsurgit (*p*). Caeteras autem dotes ac proprietates falis vere alcalini prae se fert. Et quidem si aquae, e quibus hicce erui potest, spiritu vitrioli saturatae sint, et deinde exhalationi subjiciantur, vice falis alcalini, quem alias largirentur, falem quendam neutrum, ad tartari vitriolati naturam accedentem, exhibebunt (*q*). Ex hisce sat abunde patet thermales, aliasque medicatas, aquas in suo sinu condere falem fixum alcalinum. Etiam existimat Hoffmannus (quod et fortasse verum est) in acidulis nonnullis inesse aliquod alcali volatile (*r*). Pro hoc autem mihi non est decertandum.

17. VERUNTAMEN supradictae sententiae sese opposuisse virum diligentem admodum ac peritum Thomam Short, M. D. minime tacendum est. Dicit ille, “ Hoffmannum, dum falem alcalinum  
“ fontibus

(*n*) Vid. Hoffman. de Thermis Carolinis, cap. ii. § 7.

(*o*) Ibid.

(*p*) Id. de elementis aquarum mineralium recte dijudicandis et examinandis, § 48. et alibi.

(*q*) Id. de convenientia elementorum ac virium in Thermis et Acidulis, § 7.

(*r*) Ibid. § 25. et de fontis Spadani et Schwalbacensis convenientia, § 17.



“ fontibus naturalibus inesse probasse opinatus est;  
 “ in gravem errorem incidisse, quippe faeces post li-  
 “ quidi exhalationem manentes, simul sumptas,  
 “ nulla salium, terrarumque facta a se invicem se-  
 “ paratione, examinavit; adeoque haudquaquam  
 “ mirandum esse signa et indicia quaedam alcalinae  
 “ indolis illas prodidisse, quae quidem terrae alcalinae  
 “ omnino tribuenda sunt, minime vero sali cuiquam  
 “ pure alcalino in iis contento. Porro scribit, Hoff-  
 “ mannum nunquam tam egregie errasse posse, si  
 “ modo salem suum, falso alcalini nomine dota-  
 “ tum, iterum in aqua solvisset, et solutione per  
 “ filtrum transire coacta, illam exhalâisset, donec  
 “ pellicula in superficie apparuerit; tum demum  
 “ liquorem seposuisset, ut sales in crystallos abi-  
 “ erint. Haec si fecisset (uti sibi persuasum est)  
 “ nunquam salem alcalinum ex aquis eruisset, tan-  
 “ tum vero salem marinum, ceu communem (s).”  
 Quae vir iste eruditus objecit, integris suis viri-  
 bus salvis, ni multum fallor, exscripsi: et qui-  
 dem non possum non confiteri ea mihi dubitatio-  
 nem aliquamdiu injecisse. Nihilominus tamen, re-  
 penitus perpenſa, magnique Hoffmanni scriptis ac-  
 curatius perlustratis, potius eo adductus fui, ut  
 sentiam haec contra illius dogma parum valere.  
 Licet enim e loco, quem citat auctor (t), constet,  
 quod faeces aquae Pyrmontanae totas simul exami-  
 nâſſet;

(s) History of Mineral Waters, p. 311, 312. & Preface, p. vi—viii. edit. 1734.

(t) Ibid. Preface, p. vii.

nâset; tamen accuratissimum illum Chemistam idem, in omnibus aliis aquis examinandis, praestitisse vix mihi persuadere potuerim. Et profecto multa sunt in suis de aquis naturalibus opusculis, quae contrarium; ni hallucinatus sum, liquido evincunt. Thermarum Carolinarum salem narrat in crystallos reductum esse, qui indolis alcalinae sat clara indicia prae se tulerunt (u). Exhalata Selterana aqua drachmam unam cum granis duodecim falsae materiae impetravit, quam iterum solvit, per chartam bibulam trajecit, et e lixivio collegit salis pure alcalini scrupulos duos (v). In aliis locis, inter salem, et terram, sat affabre distinxit, unius alteriusque diversas quantitates seorsum exponens (w). Scribit praeterea, oleo vitrioli sali Buchensium aquarum affuso, nullum exinde vaporem spiritus salis communis expirasse; facile igitur patet illum salem communem, ceu marinum, esse non posse (x).

18. Caeterum fortasse objici possit (et simile quoddam (y) videtur objectum esse) licet sal alcalinus e thermalibus, aliisve medicatis, aquis elicitus sit, hinc tamen non evictum esse talem salem, iisdem dotibus ex omni parte praeditum, in ipsis aquis naturalibus

(u) De sale medicinali Carolinarum, § 10, 11.

(v) De principiis et virtutibus praecipuorum medicamentorum Germaniae fontium, § 12. Et de elementis et viribus fontis Selterani, § v.

(w) De principiis et virtutibus praecipuorum medicamentorum Germaniae fontium, § 14, 18, 19, 20, 21.

(x) Ibid. § 18.

(y) Oliver on Bath-waters, p. 17, 18. — & Randolph on Bristol-waters, p. 149.



turalibus ali, quippe hic ignis ministerio in apertum fit prolatus, ideoque potius illius soboles censeendus est, vel saltem suspicio quaedam ineunda est de ejus natalibus. Verum huic, ut opinor, facile respondendum est. Nam, in salibus fixis alcalinis e vegetabilibus extrahendis, perquam notum est, opus, ut plurimum, esse apertae flammæ, qua substantiæ in cineres redigantur (z). Etiam in sale Tachenii fixo, qui quadantenus alcalinus est, licet aliis mitior, præparando, summa ignis vis adhibita est, ut in loco bene clauso vegetabilia in carbones nigros sine flamma exurantur; quos demum etiam aëri libero exponi necesse erit, ut ignei, ceu candentes, deveniant, dum omnis flamma, agitationis ope, prohibetur (a). Ne quippiam vero hisce simile peragitur in sale alcalino fixo ex aquis eliciendo: dum enim exhalatio instituitur, sal in aqua solutus prorsus tenetur, neque calorem majorem, quam ebullientis aquae, unquam pati potest; ac etiam facillime multo minore calore hæc res perfici queat. Praeterea, an usque antehac auditum fuit, cujusvis salis indolem sola solutione in aqua, repetitaque exhalatione, ex omni sua parte immutatam esse? Aut, an unquam hac encheiresi instituta neutri in alcalinos transiverunt? Nequaquam. Etiam sal ille neutrius naturæ, sal  
petrae,

(z) Vid. Boërhaav. element. Chem. part. ii. cap. de terra, § 10. 3.

(a) Vid. Boërhaav. loco citato, et part. iii. Process. 9, 10.

petrae, ceu nitrum recentiorum dictus, licet profecto, carbonibus igneis commixtus, in falem alcalinum, nitri fixi nomine donatum, transeat; tamen, si solvatur in aqua, exhaletur solutio, &c. nullam indolem alcalinam induit; at e contrario recuperatur nihilo magis immutatus, quam caeteri sales eidem encheiresi subiecti, quos omnes aliquanto nitidiores, purioresque evadere necessum est, si antea fordium, terraeve, aliquid in se conditum habuerint. Caeterum omne illud alcalinum, quod in sale fixo ex plantis eliciendo sese prodit, a nemine (quod sciam) vi ignis in coctione vel exhalatione lixivii exhibiti attribuitur: e contrario, uti apud omnes in confesso est, istius ignis actioni prorsus referendum est, quo vegetabilia in cineres redacta sunt. Quum igitur liquido pateat, nullum falem neutrum usquam in alcalinum conversum esse, tantummodo tali ignis ministerio, quale in aquarum exhalatione adhibitum est, argumentum sat luculentum habetur, falem alcalinum fontium medicatorum eandem originem fortiri non posse. Quinetiam aquae illae, quae exhalatae sal alcalinum a tergo relinquunt, si prius spiritu vitrioli saturatae sint, quam igni imponantur, non alcalinum, at neutrum prorsus falem largiuntur; manifesto sat indicio falem suum alcalinum non esse sobolem ignis, sed revera in his ipsis hospitari (b).

19. Si quis vero a me quaerat, unde sal hicce alcalinus, in aquis naturalibus repertus, incunabula sua traxerit? Aut quam veram fortitus sit originem?

(b) Vid. supra § 16. not. (q).



nem? Nil, fateor, mihi erit, quod respondeam, praeter ea, quae de hac re pervulgavit ipse Hoffmannus, illum nempe ab acido intime cum terra connubio juncto oriri (*c*). Notum est idem acidum terris, metallisve variis, maritatum sales longe diversos constituere: hocque videtur evenire ex eo, quod terrae, &c. quoad minimarum suarum particularum ordinem, ac dispositionem, diversae sint structurae; exinde enim varias figuras directionesque acidum, prout singulis impactum sit, nancisci oportet (*d*). Et profecto verisimile est acidum esse principium, licet quadantenus immutatum, quod salibus omnibus ipsorum ex ortu saporem conciliat, quia terra ipsa prorsus insipida est. In hujus sententiae confirmationem observavit Hoffmannus, spiritum salis vel nitri (acida licet sint admodum fortia) cretae calcinatae affusum, statim naturam alcalinam induere (*e*). Eodem fere modo, et ignis fortasse e vegetabilibus salem alcalinum producit, earum scilicet particulas terreas ex ordine suo quodammodo dejiciendo, atque idcirco acido in iis contento directiones a prioribus diversas inducendo. Annon ergo cum ipso Hoffmanno inferre liceat, “sal acidum et alcali non diversas esse species, sed  
“potius varios salium status; atque acidum et al-  
“cali

(*c*) De convenientia elementorum ac virium in Thermis et Acidulis, § 23.—et de Thermis Carolinis, cap. iv.

(*d*) Id. de salium generatione, § 15.

(*e*) Ibid. § 25.

“cali pro principiis rerum non habenda esse (*f*)?”  
 Etiam creta, gypsum, tophus, corallia, lapides can-  
 crorum, aliaeque alcalinae terrae acidis, vel etiam  
 fale communi, aut aluminoso commixtae, sales al-  
 calinae indolis componere valent (*g*). Sin vero sic  
 se res habeant, facile animo consequi possit, aci-  
 dum subterraneum terrae obviam iens, cujus par-  
 ticulae apte disponuntur, etiam cum illo in falem  
 fixum alcalinum transire. Mihi tamen eximii Phi-  
 losophi partes sequenti condonent, obsecro, viri  
 docti, si in re tam subtili nonnulla, quae paulo ob-  
 scuriora sunt, protulerim.

20. SULPHUR volatili quadam forma, cum mi-  
 nutissimis particulis ferreis maritatum, aquis medi-  
 catis inesse supra suggesti (*b*). In paucissimis ve-  
 ro sub aspectum venit. In Thermis equidem A-  
 quisgranensibus sese manifeste prodit; nam “in  
 “scaturigine balnei Caesarei, in putei collo et te-  
 “studine, genuini sulphuris flores calore subliman-  
 “tur, et concrescunt, ita ut nonnunquam aliquot  
 “eorum librae colligi possint (*i*).” Aliae, uti  
 Bathonienses nostrae, sulphuris indicia fat clara prae-  
 se ferunt; argentum enim eodem, quo Aquisgra-  
 nenses,

(*f*) Ibid.

(*g*) Id. de convenientia elementorum ac virium in Ther-  
 mis et Acidulis, § 23. —et de Thermis Carolinis, cap. iv.  
 § 6.

(*b*) § 12.

(*i*) Hoffman. de principiis et virtutibus praecipuorum me-  
 dicamentorum Germaniae fontium, § 21. —Vid. et Blondel  
 Thermarum Aquisgranensium, &c. descript. cap. v. p. 70.



nenses, modo nigro colore inficiunt, et harum a coctione residua cremata flammam, ac odorem, instar sulphuris emittunt (*k*). Atque in aliis tum Thermis, tum Acidulis, quaedam signa sulphuris observata sunt (*l*). Itaque non possum non suspicari etiam expertissimum Hoffmannum hac in re falli, cum aliquantulum nimis festinanter dijudicaverit, in plurimis Thermis ne hilum quidem sulphuris foveri, quia accuratis institutis experimentis, aliquid hujusmodi, fixa et nativa sua forma sese manifestans, ipsi non licuit reperiri (*m*). Videtur enimvero in aquis, tum calidis, tum frigidis, frequentius hospitari sulphur, licet admodum difficile, imo etiam plane impossibile sit, id evidenter in oculorum conspectu ponere. Vir Chemiae peritissimus, Petrus Shaw, M. D. in Scarborgensi aqua putrefacta sulphur detexit, quanquam, dum recens et incorrupta manserat, in hac illius aliquid observare non potuerit (*n*). Simili modo, aqua ad vicum *Dunse* in Scotia, nulla, antequam putrefacta fuerit, sulphuris indicia praebens, putrefacta tandem argento nigrum colorem conciliavit

(*k*) Vid. Guidott's Discourse of Bathe, &c. chap. i. — et Lister. de fontibus medicatis Angliae, exercitat. 1<sup>ma</sup>, cap. iv. 4.

(*l*) Vid. Short's History of Mineral Waters, p. 54, 55, 88, et per totam ultimam partem. — Vid. et Migniot Traité des Eaux Minérales de S. Amand. p. 13, 20—23.

(*m*) De elementis aquarum mineralium recte dijudicandis et examinandis, § 53.

(*n*) Enquiry into the Contents, &c. of Scarborough Water, p. 136.

vit (o). Hujus rei rationes inire, mehercle, penes me non est. Evincere vero videtur sulphur, vel saltem sulphuris materiam, in lymphis etiam incorruptis latere posse, licet in iis nullo modo seipsum indicet. In aqua Moffatenfi, eruditissimus Medicinæ et Chemiæ Professor, multa vera sulphuris signa observavit; ne gry tamen sulphuris fixi ex his eruere potuit (p). Et perquam notatu dignum est (si quidem fides ei adhibenda sit) quod narrat Migniot de Thermis Aquisgranensibus (sub quarum crateribus flores sulphuris tanta copia colligi possint) eas nimirum omnibus modis tractatas, ne unicum sulphuris fixi granum largitas esse (q). Simile quoddam de iisdem perhibet Blondel (r). Sane de sulphure, si de quo alio, in fontibus medicatis delitescente, inquirere oportet. Modo viri periti ad tale opus sese accinxerint, eluxerint fortasse quaedam ad rem tum philosophicam, tum medicam, haud mediocriter conferentia.

## 21. IN

(o) Vid. Home's Essay on Dunse-Spaw, p. 78, 90, 91.

(p) Experiments on the Medicinal Waters of Moffat, by Dr. Plummer, Essay viii. of Vol. 1. of Medical Essays, &c.

(q) Si on vouloit nier que les Eaux d'Aix la Chapelle soient sulfureuses, on n'auroit qu'à lever une des pierres de maçonnerie de leurs bassins, & on trouveroit des fleurs à poignées; cependant on a eu beau tourner le Corps des Eaux, en tout sens, on n'a pu encore reussir d'en tirer un seul grain non plus que des nôtres. Traité des Eaux minerales de S. Amand. p. 22, 23.

(r) Omnes hi fontes Cornelianæ, &c. sulphur maxime olent, habentque oleose dissolutum, ac balsamice mixtum. Illud in aquis his, et Cæsarianis ita subtile est, ut in aquarum examine, qualiacunque vasa, etiam vitrea pertranseat, et ne granum illius colligi aut videri possit. Thermarum Aquisgranensium et Porcetanarum descriptio, cap. v. p. 80.



21. IN Thermis, aliisque medicatis, aquis terrae diversi generis insunt, cretaceae, lapidosae, ochraceae, &c. quae omnes absorbentes sunt, atque alcalinam sibi vindicant indolem; cum acidis enim confligunt, unaque cum iis sales neutros constituunt. Circa margines fontium aliquando magna copia, crustae speciem formantes, reperiuntur, uti in Thermis Carolinis (\*). Duritiam aquis impertiuntur, unde eae non facile cum sapone bullulas excitant, neque legumina coquendo emolliunt. Hae terrae, dum aquis inhaerent, dividi visae sunt in particulas maxime subtiles; sese tamen mutuo attrahentes, post aliquod tempus graviores deveniunt, quam in liquido suspendi possint; atque idcirco delabuntur in fundum vasorum, quibus aliquamdiu reconducuntur aquae. Scaturiginum ostiis, tubisque, per quos vehuntur, simili modo, uti perquam probabile est, in crustas concresecunt; nam particulae, jam iis impactae, aliquas e praeterlabentium coetu attrahunt, arripiuntque, donec in crustam crassitudinis admodum conspicuae simul compingantur. Notum est hasce terras, forma subtilissimi pulveris, olei tartari per deliquium, spiritus salis ammoniaci, &c. ope praecipitari posse ex aquis: hic tamen pulvis varii est coloris, prout aquae singulae terram hujus, illiusve generis

(\*) Vid. Hoffman. de principiis et virtutibus praecipuorum medicamentorum Germaniae fontium, § 19, — et de Thermis Carolinis, cap. ii. § 9—11.

generis in suo sinu foveant. Ochreacea terra particeps est ferri.

22. QUIDAM pervulgaverunt etiam in fontibus medicatis hospitari vitriolum fixum. Hoffmannus ipse, acerrimus licet hujus sententiae oppugnator (s), agnoscit tamen “ dari aquas martiatas, uti Lauch-  
“ stadienses et Radebergenses, quae momentum  
“ vitrioli fixi admittunt, peculiari encheiresi eli-  
“ ciendum (t).” Hanc vero encheiresin memoriae non prodidit. Utut autem hoc sit, ne unus, (quod sciam) auctor, Thermis inesse vitriolum fixum, hucusque in medium protulit. Quinetiam si in acidulis quibusdam insit, iis tamen sola hieme inesse fidem fecit aquarum naturalium laboriosus admodum scrutator (u), longe nimirum sapientior in medicis et chemicis, quam in aliis nonnullis (v). Cu-

K

prum

(s) De Thermarum et Acidularum usu et abusu, § 3. —et de aquis medicatis per artificium parandis, § 4.

(t) De elementis aquarum mineralium recte dijudicandis et examinandis, § 46.

(u) Short's History of Mineral Waters, p. 206—208, ubi de aqua Maltonensi.

(v) Dolendum sane quam maxime est viros sat ingeniosos, et in iis, quibus, sepositis utcunque studiis partium, incumbunt, specimina industriae suae haud pauca proferentes, ullo infortunio, quoad alia quaedam, incidere in opiniones a benevolentia et caritate toto coelo diversas; tales enim opiniones omni aevo in humani generis dedecus nimium grassatae sunt. Hi zelo turgidi, multo magis quam scientia instructi, et ob dogmata orthodoxiae cuidam (de qua multum ac inepte gloriari solent) consona elati, iis sese immiscent argumentis, quorum ne elementa quidem unquam delibaverunt. Documentum hujus rei insigne dat auctor ille supra citatus, qui in libro, cui titulus, *Observations on the Bills of Mortality*, p. 252, 253, more anicularum, et insulsissimi zelotae instar, contra A-

rios



prum et alumen in fontibus quibusdam inesse dicuntur, tantum vero, quantum ex auctoribus ediscere possum, in Acidulis : quapropter de his agere minime ad me attinet. De ferro, &c. supra differui (*w*).

23. Antequam huic capiti finis imponatur, haud praetereundum est quasdam dari Thermas, quae e rebus supradictis nullas quidem alunt, sed solum puritate ac levitate aquarum insigniuntur. Tales sunt Thermae Toplicenses in Bohemia, et Piperanae in Rhoetia (*x*), ut et balneum Sancti Johannis, et balneum de Corneto in Italia (*y*). Videtur hasce aquas suum acquisivisse calorem, non transeundo per ipsas ferri et sulphuris venas, potius vero per loca admodum vicina iis, dum aliis forte aquis eae ipsae irriguae sint. Monendum caeterum est illorum omnia, de quibus egi, in fonte medicato quolibet neutiquam inesse. Hae aquae haec, aliae alia continent : quaedam vero hujus magis, istius minus habent. Sal communis, *e. g.* copiosius in his, parcius autem in illis aquis delitescit. Et sic de caeteris.

## CAPUT

rianos et Arminios, damnatos, uti sibi visum, homines, cane et angue pejus odio habendos, summa cum futilitate blaterat. Sane meminisse illum oportuit veteris adagii, “ Ne futor ultra crepidam.”

(*w*) § 11, 12.

(*x*) Vid. Hoffman de principiis et virtutibus praecipuorum medicamentorum Germaniae fontium, § 27, et alibi passim.

(*y*) Vid. Fallopius de thermalibus aquis, cap. vii. haud procul ab initio ; et cap. xxvi.

## CAPUT III.

## De THERMARUM USU.

I. **F**INITO sermone de Thermarum antiquitate et contentis, ad earundem usum nunc est progrediendum; qui quidem apte dividitur in externum et internum. Usus externus complectitur balneum, semicupium, pediluvium, stillicidium, &c.; internus potum respicit. Agam imprimis de usu externo. Balneum igitur calidum aquae dulcis, sive purae, quod ante alia considerandum est, quosdam edit effectus omnino eosdem ac balneum frigidum, alios vero penitus diversos. Pondus, *e. g.* seu pressura aquarum in corpus subiectum nullo modo immutatur, sive calidum, sive frigidum, sit balneum: quae ergo hinc pendent inter se invicem ad amussim quadrant, imo etiam plane eadem evadunt, sit hoc, sitve illud, in usum adhibitum. Et quidem ea de causa insignem patitur mutationem corpus, quod aquis subjicitur. Nam aëris, in statu mediocri persistentis, gravitas specifica est ad gravitatem specificam aquae, uti 1 ad 800 (*a*), vel, quod veritati magis consonum aestimatur, uti 1 ad 885 (*b*). Cum igitur in aquam mergamur, pondus, ceu pressura, in superficiem corporis augetur in tantum, quantum gravitas aquae superincumbentis gravitatem aëris aequalis

(*a*) Vid. Philosoph. Transact. N° 181.

(*b*) Ibid. N° 305.



qualis molis excedit. Vis ergo tanto major externo corpori applicatur, humorumque cursus extravergentium intercipitur; hinc, dum sub aqua manemus, fieri non potest, quin sanguis majori copia petat interiora; postea vero, cum jam adempta sit ista pressura, adaucta vi per vasa ad exteriora tendentia propellitur, et aequabilis liquidorum circuitus, dummodo frigore non constringantur pori cutanei, fat cito restituitur. Observandum equidem est, quod huic effectui magis faveat balneum frigidum, quam calidum, atque hunc aliquanto majorem esse faciat. In illo enim ad pondus frigus accedit, quod vasa externa contrahit, stimulumque toti quasi corpori impertitur, quo fit, ut canales solidi in suos contentos humores fortius, saepiusque repetitis ictibus, agat. E contrario, calor moderatus cutis vasa laxat, et stimulum, si quis adsit, compescit. Vis ergo, qua balneum tepidum fluida ad interna corporis amandat, soli ponderi, seu pressurae, aquarum debetur.

2. ALIA, quae praestat aqua calida, externo corpori applicata, ex aliis eveniunt. Inter illa, quae calor efficit, minime praetereunda sunt. Hic sanguinem rarefacit, molem ejus auget, et citatiorem cursum ei inducit: hinc sudores admodum copiosi statim post balnei calidi usum eliciuntur, modo caveatur a frigore. Et quidem hac via quantitas haud parva humorum e corpore educitur, ob quam causam videtur Galenum balnea calida recensuisse inter remedia quae totum corpus

corpus vacuant (c). Nam perspirationem adaugent, fudorem promovent, materiamque intus delitescentem avocant, quae sic ad exteriora corporis amandatur, et foras ejicitur. Caeterum a calore oritur fitis, quae in externo Thermarum usu aliquando percipitur.

3. PORRO balnea calida, modo non nimium calorem habeant, externa vasa laxant, carnem emolliunt, et fordes detergent. Haec videntur efficere, quod aquae, in particulas minores caloris ope resolutae, sese in interstitia corporum, quibus obviam eunt, insinuent, partesque eorum minimas a se invicem aliquantulum moveant, unde haec emollescere, moleque augeri, prorsus necesse est. Laxitas autem vasorum, quae balnei tepidi usu inducitur, perspirationem magis facilem reddit, et viam parat fudoribus erumpentibus, qui ob hanc copiosiores evadunt; vasa enim, quae admodum laxa sunt, humoribus minus resistunt. Atque hinc maxima ex parte pendet derivans aquae tepidae externe applicatae vis, omni fluido constanti lege naturae majorem impetum faciente in partem, quae ei minime obstat. Huic etiam vasorum laxitati, quam conciliat Thermarum usus externus, anodyna virtus earum debetur. Dolores enim faecissime originem suam trahunt a nimia nervorum distensione; sin ergo sedem suam prope superficiem externam corporis habeant, relaxatione,  
quam

(c) Comment. in Aphorism. Hippocrat. lib. iv. Aphorism.



quam aquae moderate calidae contactus secum adfert, facillime sopiuntur: sin vero in internis haereant, propter consensum illum mirum, qui inter quamplurimas corporis partes existit, eodem remedio leniri queant. Illinc enim fit, ut si hae relaxentur, aliquamve gratam admodum perceptionem sentiant, illae simili modo afficiuntur. E contrario si hae doleant, vel aliquam distensionem patiantur, illae eodem malo laborant. Dolores sic ingrati, grataque oblectamenta, quasdam regulas communes, in corporibus nostris afficiendis, sibi invicem vindicant, iisdemque prorsus instrumentis a loco in locum propagantur.

4. CAETERUM aquae tepidae, ceu moderate calidae, sese in venas absorbentes, sive vasa inhalantia insinuant, iis attrahuntur, sicque internos corporis recessus intrant, cum sanguine, humoribusque commiscentur, eos diluunt, attenuant, magisque fluidos reddunt. De hoc Thermarum externe exhibitarum effectum minime dubitandum est, quamvis auctores nonnulli, qui de balneo calido scripserunt, illum prorsus omisisse visi sint. Quod totum corpus sit expirabile et inspirabile olim statuit Hippocrates (*d*). Idem sat aperte docuit Galenus (*e*). Et quidem verisimillimum videtur, quod, sicut arteriae humores exhalant, venae minimae tam cutis, quam pulmonum, quaedam ex aëre, iisque, quae circum volitant, inhalent,

Argu-

(*d*) "Εκπνοον ἔσπννοον ὅλον τὸ σῶμα, Epidem. lib. vi. § 6.

(*e*) De usu pulsuum, cap. v.

Argumentis sat validis sententia haec tueatur, multaque experimenta in ejus confirmationem adduci possint. Sed iis mihi non licet immorari. Sufficit rem istam doctis bene perspectam haberi. Neque huic obstat sitis, quae balnei calidi usu aliquando inducitur; illa enim a calore, et sudoribus, qui erumpunt, ortum habet, atque iis maxime accidit, qui diutius in aquis manent, et sic non nisi aërem calefactum respirant. Licet igitur humores tum aquis absorptis diluantur, tum earundem pondere ad interiora corporis amendantur, a quorum uno et altero expectandum foret auctum iri secretiones internas, nihilominus tamen, a calido aëre inspirato, calore circumstante, et sudoribus, sitim aliquando ortum iri facillime concipi potest.

5. PRAEMISSIS iis, quae balnea calida in corpora nostra agunt, promptius judicium proferri potest, quibus in morbis remediorum officio fungi valeant, quibus in casibus profint vel obsint, ac denique cum quibus cautelis adhiberi debent. A pondere aquarum, et compressione, quam externo corpori inducunt, facile inferre licet tepidum, seu calidum, balneum plethoricis, vel iis, qui in aliquo viscere, aut parte interna, inflammationem patiuntur, minime praescribendum esse. Hinc medici, antequam illum plethoricis exhibeant, sanguinem detrahi jubent. Neque ob eandem rationem semper licitum erit aquas thermales in balneo usurpare, nisi prius evacuatum, atque a sordibus in primis



mis viis hospitantibus repurgatum, sit aegri corpus, vasaque intestinorum, si forte obstructa, aliquove modo rigidiora facta fuerint, aliquatenus patula laxaque redderentur. Commodissimum ergo balneum ineundi tempus est matutinum, cum jam depletus sit ventriculus, ac intestina admodum vacua sint, digestionis opere satis peracto. Hora etiam quinta vel sexta pomeridiana usurpari potest, idoneo tempore post prandium nunc elapso. Hac autem de causa videtur medicos aliquando aquas potandas aegris porrigere, antequam iis balnea intrare finant; nam hac methodo vasa, circa intestina disposita, laxiora evadunt, obstructions referantur, et fordes, praesertim si aquae catharticae sint, e corpore educuntur.

6. BALNEA calida, utpote sanguinem rarefaciunt, et cursum velociorem ei conciliant, quibusdam valde profunt; talia enim praestando non possunt non resolvere succos viscidos, et crassos, qui nondum pertinaciorum induerunt indolem, vasaque quamplurima ab obstructionibus, modo non validiores sint, liberare. Plerique idcirco aegri, qui neque nimia cacochymia laborant, neque materiam quandam obstruentem in vasis oppido impactam habeant, usu balnei calidi ex aqua dulci parati multa possint sibi expectare commoda. Nihilominus tamen, ob hanc rationem illud vitent plethorici, et qui inflammationibus prae aliis obnoxii sunt, ut et lethargici, atque soporiferis affectibus dediti, et qui tumores scirrhosos viscerum abdominalium

nalium habent. Caeterum aquae tum compressione, tum calore, agentes adaugent secretiones internas; atque cum jam e balneis excefferint aegri, perspiratio intenditur, perque vasa, nunc admodum laxa, sudores copiose eliciuntur. Acris, et scorbutica, diathesis sanguinis hujus remedii ope emendari potest, particulis morbosis, quae obstructions ac vellicationes gignere solitae sunt, partim una cum sudoribus foras ejectis, partim forsan aquarum intus absorptarum admixtione dilutis. Cavendum vero est, ne post balnei calidi usum, frigori multo, vel diuturno, exponatur corpus; ex hoc enim sudores cohibebuntur, noxia et ejicienda in corpore retinebuntur, atque ad febres et inflammationes via parabitur.

7. In plurimis morbis curandis insignem spondent usum thermales aquae ob laxitatem, quam externae usurpatae cuti impertiuntur. Hinc in scabie, lepra, elephantiasi, et in omnibus fere cutaneis affectibus, summo cum fructu exhibitae sunt. Nullum aptius, certiusve remedium datur in qualibet externi corporis nimia duritia. Ea de causa in constricta cute, arefactis et contractis carnibus, tot tantaque praestant bona. Ossium diu luxatorum reductioni, partes circumcirca emolliendo, egregie opitulantur: hujus rei duos memorabiles casus enarravit celebris in arte Chirurgus Petit (*f*). Vi maxima abstergente gaudent balnea tepida, seu mo-

L

derate



derate calida, qua sordes abluunt, crustas induratas corporibus diu adhaerentes emolliunt, et eas demum decidere faciunt : in omni ergo cutis spurcitie quam maxime profunt, atque perspirationem restituunt liberam. In musculis, tendinibusque contractis nil praestantius inveniri aut excogitari potest ; unde, horum ope, ossium articuli saepe in integrum officiis propriis fungi potentes fiunt, multaeque artuum distortionibus informes percurantur : atque hinc tot scipiones, claudicantibus olim auxilium ferentes, in sanitatis restitutae testimonium, ad loca, quibus Thermae celebriores sca-  
tent, suspenduntur. Eadem de causa evenit, quod, prudenter adhibitae, aliorum quorundam remedium operationes, et effectus, optime secudent, mercurialium, *e. g.* in lue venerea, &c. facilem ac expeditam viam sudoribus per cutis poros conciliando ; hos enim aperiunt et emolliunt. Quatenus porro vasa laxant, succurrunt mensibus et haemorrhoidibus suppressis, et quamplurima alia largiuntur commoda. Praeterea ob derivantem, quam habent balnea calida, virtutem, inter praestantissima remedia enumerari debent, exinde enim saepissime evenit, quod a partibus internis, morbo vexatis, detrahatur causa ceu fomes mali, atque tandem ex corpore ejiciatur. Hinc ea multum dilaudat Hoffmannus in mania et melancholia persanandis (*g*), veterum Aretaei scilicet (*h*) et Alexandri Tralliani

(*g*) De balneorum aquae dulcis usu in affectibus internis, § 18, 19.

(*h*) Vid. supra, cap. i. § 18.

Tralliani (*i*) auctoritati innixus. Minime etiam dubitat eadem commendare in quibusdam affectibus epilepticis, modo non, imminente jam ipso paroxysmo, adhibeantur, quum certo certius nocerent (*k*). Et quidem balneo frigido tepidum praefert in hydrophobia (*l*). Contra vero celeberrimus Mead in isto morbo frigidum huic longe antequam perhibet (*m*).

8. Vix vero aqua tepida, balnei forma in usum vocata, magis egregiam praestat opem, quam in doloribus, cum externis, tum internis, sopiendis. Hinc iis, qui laboribus obruti, summeque fatigati sunt, citam certamque refectionem spondet; gratam enim relaxationem nervis et fibris inducit, tensas carnes emollit, ficas humectat, sanguinem et humores in vasis extremis, minimisque, stagnare jam valde proclives diluit, et resolvit. Hinc olim Herculi delassato summam tulit opem (*n*); hinc post itinera, aliasque quam maximas defatigationes initas, remedium hominibus suppeditat, quo nullum vel jucundius vel praestantius existit. Dolores quoque internos saepe levat; nam, partium consensu, fibris totius fere corporis relaxatio pergrata conciliatur. Hinc in colica biliosa, doloribus a calculo in renibus, vel ureteribus, impactu ortis, in vesicae affectibus, et ardore urinae, magnopere

(*i*) Vid. *ibid.* § 20.

(*k*) *Loco citato* § 20.

(*l*) *Ibid.* § 16.

(*m*) *Mechanical Account of Poisons*, p. 179, 180.

(*n*) Vid. *supra*, cap. i. § 6. cum notis.



pere prodest; spasms, visceribusque nimium adstrictis, medetur, stimulum in nervos agentem compescit, atque hoc pacto in plurimis hypochondriacis et hystericeis, sic dictis, malis multum valet. Neque exiguam spondet opem aqua venis absorpta, inque sanguinem delata; ibi enim salia solvit, acrimoniam permulcet, et succos viscidos, atque crassos, tenues admodum et raros efficit.

9. MONENDUM vero est, quod in quibusdam casibus balneum frigidum apte excipiat tepidi usum. Sic in paralyfi, post curam naturalium calidarum aquarum auxilio sat peractam, non abs re videtur, ad roborandas fibras, nimiaeque relaxationis effectus praecavendos, balneum frigidum exhibere; cujus tempestivo usu aegrorum tum sanitas confirmari, tum robur in integrum redire possit. Et quidem in aliis morbis, quibus fibrae et carnes laxandae sunt, Thermis, per tempus ad ea praestanda idoneum, externe adhibitis, fortasse non sine fructu erit in balneum frigidum nonnullis vicibus descendere; nam hoc modo vigor debitus parti admodum debilitatae citius reddetur. In quibusdam vero morbis, et tepidum, et frigidum balneum alterne exhibere, multum prodesse possit: vasa enim imprimis illo laxata, inde vero statim hoc iterum constricta, modo sudores minime cohibendos esse curatum erit, motum quendam vibrantem validiorem adipiscuntur, et majori vi huc et illuc agitantur; unde fibrarum robur intendetur, obstructions referabuntur, fordesque in vasis delitescen-

tes foras citius ejicientur. Hic fane calidi et frigidi balnei alternus usus olim veteribus innotuit. Antonius Musa, et frater ejus, Euphorbius, Jubae Mauritaniae Regis Medicus, referente Plinio, instituere a balneis frigida multa corpora adstringere (*o*). Simile quoddam praecipit ipse Plinius (*p*). Caelius Aurelianus, et Alexander Trallianus, hac balnei calidi, et frigidi, alterna exhibitione in praxi sua usi fuerunt (*p* \*). Et quidem bonos quosdam effectus inde expectasse licuerit. Idem fere in scorbuticis, et cutaneis quibusdam affectibus, valde proficere perhibet Morgan, vir insignis ingenii, si, statim postquam e frigido balneo egrediatur aeger, sudor admodum copiosus in lecto sustentetur (*q*).

10. BALNEA tepida in quibus nullum aliud principium, vel volatile, vel fixum praeter aquam ipsam puram ac levem continetur, sive ipsius naturae soboles, sive ex aqua dulci communi arte parata sint, iis, qui supradicti sunt, usibus inserviunt. Et quidem quae Thermae quamplurimae, externe usurpatae, in corpora nostra agunt, ipsi aquae calidae maxima ex parte referenda sunt. Nihilo secius vix negandum est, has in quibusdam morbis prodesse ob subtilissimum, quem fovent, spiritum. Licet enim pleraeque particulae volatiles ad perpendiculum

(*o*) Hist. nat. lib. xxv. cap. 7.

(*p*) Perfundere caput calida ante balnearum vaporatorem, et postea frigida saluberrimum intelligitur, Ibid. lib. xxviii. cap. 4.

(*p*\*) Vid. supra, cap. i. § 20.

(*q*) Mechanical Practice of Physic, p. 354.



pendiculum sursum evehantur, atque hoc modo sese fuga subducant, harum tamen nonnullas, dum homines Thermis immorantur, venas absorbentes externi corporis intrare minime absurdum videtur. Praeterea ex inspirato aëre, qui hisce particulis admodum refertus est, pulmonum venis subtilia quaedam arripi possint, quae cum sanguine commixta, et in intimos corporis recessus delata, insignes quosdam effectus producere valent. Aliquando, uti notum est, thermales aquae, balnei forma exhibitae, talia praestant, qualia solius aquae actioni aegre ascribenda sunt. In plurimis paralyticis affectibus saepenumero remedia praebent, quamvis aqua tepida, ceu moderate calida, partes jam vi sua propria delapsas magis ac magis laxet, totumque corpus debilitet potius, quam corroboret. Quamobrem haud temere, ut opinor, inferre licet spiritum illum subtilem, quem alunt Thermae, sese in vasa cutis, ac pulmonum, aëris inspirati ope aliqua ex parte insinuare, obstructions referare, et fibrarum nervorumque robur ex novo instaurare. Annon etiam aliquatenus hoc confirmari videtur ex eo, quod Thermae istae, quae in paralyfi medenda insignioris notae sunt, sulphureum quoddam volatile in se contineant, non quidem verum ceu fixum sulphur, sed potius materiam quandam, sive principium inflammabile sulphuris, a quo pendet odor ejus, cuique referenda est, uti videtur, facultas, quam habet, argentum tingen-

di

di (r)? Observatu vero perquam dignum est hujus similitudinem quandam prae se ferre auram illam electricam, qua nunc demum temporis paralyticorum curae sat notabiles peractae sunt; si enim cum impetu majori emittatur electrica materies, sentietur sulphureus quidam odor, atque si in linguam incidat, exorietur quidam sulphuris sapor. Et notissimum est, fulgur, quod experimentis nuperrime institutis idem ac auram illam electricam probari videtur, odorem sulphureum saepe circumcirca spargere. Inter haec major adhuc intercedit analogia; nam calor, Thermarum naturaliter sca-  
tentium ope inductus, non vulgaris est, sed, instar caloris aetheris electrici, diutius in corpore manet. Porro minime dubitandum est, etiam subtilissimas ferreas particulas, venis bibulis absorptas, valere ad obstructions resolvendas, fibrarumque robur intendendum.

II. HAUDQUAQUAM vero praetereundum est nonnullas dari Thermas, quae, in usum externum exhibitae, effectus quosdam edunt aliis calidis balneis plane contrarios. Hae nimirum tophacea, calcaria, vel lapidosa, quadam materia uberrime scatent, unde poros occludunt, cutem constringunt, atque fibras roborant. Unus e Carolinis fontibus hujusmodi indolem prae se fert (s). Talia balnea calida in omni casu, quo alia profunt, certo certius nocent, terra astringente, quam in si-  
nu

(r) Vid. supra, cap. ii. § 20.

(s) Vid. Hoffman. de Thermis Carolinis, cap. ii. § 9—12.



nu suo foveant, laxantem aquae vim tam facile superante. Hinc horum incauto usu febres et inflammationes accenduntur, succi impuri intus cohibentur, viscerumque spasmi ac dolores intenduntur. Ad partes tamen debilitatas firmandas aliquid valere possint. Caeterum monendum est, quod omne balneum, si nimis calidum adhibeatur, vasa laxandi loco, ea stringit, atque calore suo immodico plurima damna aegris infert. Insuper vero, quoad balneorum calorem attinet, notandum est, veteres triplicem hujus gradum decrevisse, cujus unumquemque, post sudores ficci caloris ope elictos, experti fuerunt aegri; a majori nempe incipientes, postremo minori usi sunt. Eandem calidis balneis utendi methodum nuperrime commendavit, vir in arte medica merito insignis, Thomas Glaſs (*t*). Et quidem, modo perite institueretur, ad diversos aegrorum casus debito respectu habito, minime dubitandum est multa exinde commoda exortum iri.

12. RELIQUI moderate calidae, seu tepidae, aquae usus externi ex dictis facile intelliguntur. Semicupium tantummodo in dimidium corporis agit, eademque fere ac balneum praestat, a quo non multum discrepat. Fomenta ex sola aqua constantia cutim laxant, meatus ejus aperiunt, &c.—Pediluvia, modo non nimis calida sint, a capite, partibusque internis, humores derivant, qui vasa pedum

(*t*) Account of the antient Baths, and their Use in Physic.

dum jam laxata petunt, perque ea viam admodum facilem ac expeditam inveniunt. Balneum vaporis prae aquae ipsius calidae balneo carnes laxat, et emollit, atque corpus neutiquam comprimit: hoc quoque pacto aqua, in particulas minutissimas resoluta, facilius sese in vasa et interstitia cutis insinuat, inque sanguinem et humores, venarum absorbentium ope, copiosius deferitur. Hinc hoc in quibusdam casibus illi longe anteponendum est. Caeterum thermalium aquarum stillicidium quaedam quae sibi propria sunt, efficit. Lenibus enim, saepiusque repetitis, ictibus in partem quamcunque celebratis vix aliter fieri potest, quin ejusdem vasculis stimulus concilietur, quo sese fortius contrahere, viscidosque ac tenaces succos sat cito resolvere admodum potentia deveniunt; interea simul aqua ipsa absorpta penetrante et dissipante sua vi agit, humores fundit, et obstructions referat. Hinc, in multis externi corporis morbis diuturnis, tot tantaque praestant bona calidae aquae guttatim in partem affectam delapsae. Clarissimus Van Swieten chronicos, et ad omnia fere remedia rebelles, circa genu tumores se hac methodo aliquoties curavisse testatur (u.)

13. THERMARUM usus internus proximo loco tractandus est, qui quidem optimos effectus edit, plurimisque malis remedium praebet. Aquarum naturalium potum ad sanitatem conservandam quam apprime accommodum esse, etiam ex prin-

M

cipiis,

(u) Comment. in Boërhaav. aphorism. vol. i. p. 191.



cipiis, quibus constant, facillime colligi queat. Sive enim ipsius aquae elementum, sive substantias tum volatiles, tum fixas, quas secum vehit, dispi-  
 ciamus, nullo negotio compertum habebitur alteru-  
 trinque in morbis sanandis ac praecavendis prae-  
 stantissima quaedam auxilia sese offerre. Quot,  
 quantaque bona ipsa aqua corporibus nostris adfert,  
 neminem, qui in Oeconomiae animalis scientia vel  
 levissime versatus est, latere potest. Multo major  
 pars eorum, quibus hominum, aliorumque animan-  
 tium, vita sustentatur, ex pura aqua conficitur, sine  
 qua quidem alimentorum ulla distributio peragi ne-  
 quitur. In ipso sanguine aqua nonnullis vicibus re-  
 liqua principia superat; omnesque corporis humo-  
 res inquilini potissimum ejusdem participes sunt,  
 ac in eam blandi caloris ope maxima ex parte fa-  
 cillime resolvuntur. Siquidem ergo morbi ple-  
 rumque nascantur ob id, quod obstruantur vasa,  
 humorum liber admodum cursus impediatur, fun-  
 ctionesque quamplurimae, utpote inde pendentes,  
 laedantur, aqua, quae omnes corporis meatus su-  
 bit, si quid aliud, efficacissima ad eos debellandos  
 remedia subministrare queit. Etiam illa, quae cun-  
 ctorum aliorum principiorum prorsus experts est,  
 plerisque aegris valde utilis evadit. Medicina  
 prope universalis est, atque omnibus fere indicati-  
 onibus curatoriiis respondet tum in acutis, tum in  
 chronicis morbis. Aliis medicamentis vehiculum  
 praebet, quo vasa subire ac percurrere, et cum  
 humoribus sese commiscere sat valentia fiunt. Suc-

cos viscidos et crassos, tum in primis viis, tum in remotis corporis meatibus, diluit, sales acres solvit, obstructions referat; fibras rigidiores emollit, tenfas et contractas relaxat, dolores sopit, stimulos nimios compescit, canales cunctos, etiam minimos, pervadit, et ab omni concretione ac sorde detergit; nutritionem expedit, liquida jam ad stagnandum proclivia propellit, secretiones et excretiones idonee promovet, humoribusque facilem ac expeditam viam per vascula omnis ordinis parando, corpori conciliat firmissimam et illibatissimam sanitatem. Mirum igitur non est tam insigniter in multis morbis prodesse aquae potum, in vitiis primarum viarum ab acidis, aut glutinosis materiis in iis hospitantibus, ortis, in glandulis infarctis, squalore et foeditate cutis, nimiaque vasorum rigiditate, in scorbuto, scabie, scrophula, arthritide, malo hypochondriaco, et in omne genus obstructionibus. Haec omnia et plura praestant aquae etiam omnis spiritus volatilis destitutae, simplicissimae quidem, et quae sola puritate et levitate elementi insigniuntur, uti Thermae Piperanae, Toplicenses, aquae purissimae pluviales, et aliae quaecunque similem fortitae indolem.

14. INEST propria sua virtus in spiritu subtili, quem Thermae foveant. Lenem stimulum ventriculo et intestinis praebet, unde tum horum robur intenditur, tum citius in intimos recessus corporis recipiuntur aquae. Cum jam vasa subierit, his inertiam excutit, unde in actum deducuntur,



et ad fortiores, saepiusque repetitas, contractiones incitantur. Hinc obstructions referat, aquas per urinae et sudorum vias sat expedite impellit, vaporum fibras roborat, sordes impurosque succos attenuat, deterget, ac foras eliminat. Aquae igitur, quae hunc continent, ventriculum minime gravant, neque cum humoribus commixtae iis nimium immorantur, sed exitus facilis admodum iisdem conciliatur, celerrime minimos canales permeant, iterumque brevi e corpore ejiciuntur. Caeteroquin equidem nonnulla damna aquae ipsae aliquando inferant, quae, modo hocce spiritu refertae sint, prorsus praecaventur.

15. Similia quaedam praestant sales neutri, quos medicatae aquae plerumque in se continent. Sal marinus, uti notum, vasa stimulat. Reliqui vero sales neutri, qui in hisce aquis reconduntur, notabili cathartica, et diuretica, vi pollent. Hinc sordes in primis viis delitescentes ex corpore educunt, meatuum urinariorum obstructions superant, atque eos a succis concretis, et calculorum principiis, emundant. Observatu porro perquam dignum est, sales neutros, quos continent naturales aquae, exhalationis ope elicitos, multo facilius, quam alii ejusdem indolis, in aqua iterum solvi; caeterosque etiam sales neutros multo majorem quantitatem aquae, (triplo nempe aut etiam quadruplo) ut solvantur, exigere (v). Hinc non possunt non expeditius quam illi, cum humoribus commisceri,

(v) Vid. Hoffman. de sale medicinali Carolinarum, § 6.

misceri, citiusque vasa minima percurrere; unde plurima largiuntur commoda. Minime idcirco dubitandum est hos illis saepe anteferendos esse. Caeterum talia quaedam praestat sal ille alcalinus, qui in aquis hospitatur: cum acidis quoque, quae admodum frequenter in ventriculo et intestinis latent, conjunctus, in salem quendam neutrum degenerat, alvumque ciet. Hicce etiam sal in vasa delatus fibras stimulat, et roborat, aptoque humorum circuitui inservit. Et terra calcaria, tophacea, &c. quae Thermis nonnullis inest, catharticum praestantissimum saepenumero praebet. Si enim acido, quod a nimio vini usu, vel alia quavis causa, in primis viis delitescat, obviam eat, una cum hoc, magnesiae albae instar, salem quendam neutrum et amarum constituit, cujus ope ducitur alvus, et liberantur ventriculus ac intestina a fordibus, fucisque parum amicis, quamplurima damna alioquin parituris: hinc aquae hoc principio refertae, si terra in primarum viarum diverticulis accessu acidum non liquatur, epotae restagnant, tardius per corpusvolvuntur, et ipsum aggravant, cunctanter per excretoria organa transeunt, et variis incommodis inducendis favent, uti observavit Hoffmannus (v\*). Quicquid vero acidum absorbet, et cicurat, optime occurritur visciditati humorum ac laxitati vasorum inde pendenti; nam lenti humores, ut plurimum, acidorum in primis viis latentium sunt progenies. Exinde facile patet, quot quan-

(v\*) De Thermis Carolinis, cap. v. § 2.



quantaque bona merito expectanda sunt a prudenti Thermarum potu, utpote hae tum salem alcalinum, tum terram calcariam, continent.

16. Ex dictis liquido patet plurimis in morbis Thermarum potum non posse non prodesse. Medicatae quidem aquae, tum calidae tum frigidae, interne assumptae, chronicorum morborum toti fere cohorti optime succurrunt; horumque remedia efficacissima sunt. Ciborum inappetentiae medentur Thermae; fordes enim in ventriculo contentas diluunt et abluunt, acida ibidem latentia domant, per istius visceris vasa facilem ac expeditum cursum humoribus conciliant, et blando suo calore, subtilique, quem alunt, spiritu, ejusdem fibras fulciunt et roborant, modo non in earum usu nimis diu persistatur; ita enim huic ipsi visceri damnum afferunt, ejusque fibras in resolutionem quandam inducunt, uti observat clarissimus Mead (*w*). Eadem de causa nauseam abigunt, cardialgiae adversantur, capitis dolores, qui non idiopathici sunt, sed a ventriculo imprimis affecto oriuntur, sopiunt, et vertigines, quae eandem agnoscunt causam, percurant. In vitiis intestinorum profunt; haec enim a viscidis et crassis succis depurgant, acidaque nullo fere negotio per alvum eliminant: prudenter exhibitae ipsorum intestinorum robur intendunt; colicos praeterea dolores et spasmos compescunt; diarrhoeam, et dysenteriam sanant, cujus rei duo  
 sat

fat notabiles casus memoriae prodidit Riverius (x). Notatione insuper perquam dignum est vim cathartica, quam Thermae aut in proprio suo sinu; utpote salis neutrius participes, recondunt, aut terrae calcariae, &c. cum acido in primis viis consortium ineuntis ope constituunt, mitissimam esse, atque lenissimo stimulo movere alvum sine ulla sanguinis exaestuatione, corporive ullo calore inducto; et cum absolvatur purgatio, nulla virium imminutio a tergo relinquitur; hinc in variis casibus insignes usus illam praestare necessum est. In melancholicis et hypochondriacis affectibus, omnique fere viscerum abdominalium obstructione, egregiam ferunt opem, vasa pervia efficiendo, crassos lentosque humores attenuando et diluendo, faeces induratas ejiciendo, partiumque ipsarum robur iterum instaurando.

17. THERMALES aquae in vasa delatae, et cum sanguine aliisque humoribus commixtae, optimis usibus inserviunt. Intimos corporis recessus pervadunt, meatus cunctos aperiunt, ac facilem et aequabilem fluidorum circuitum valde promovent. In renum et ureterum vitiis, a sordibus tenacibus vel fabulosis oriundis, praestantissimum auxilium praebent; nam eas diluunt, atque diuretica, qua pollent vi, cum urinis eliminant. Etiam calculis jam in renibus formatis, modo quidem recentes sint, et eximiam quandam molem nondum acquisiverint, adversantur; eos enim per ureterum canales fat expedite evehunt, demumque e corpore educunt.

(x) Centur. ii. observ. 47, 49.



educunt. Vesicam ipsam eluunt, ejusque impuritates auferunt. In doloribus nonnullis nephriticis, in spasmodicis ureterum et vesicae, et in urinae ardore profunt. Cutis meatus aperiunt, facilemque perspirationem efficiunt. Obstructiones ubicunque vasorum tollunt, humorum acrimoniam permulcent, placidoque eorum cursui quam maxime favent. Tum spiritus illius subtilissimi, quem continent, tum aquae ipsius ope, multa commoda praestant. Ferrum enim in minutissimas divisum partes vim aperientem, et roborantem, habet. Sulphureum subtile et volatile principium egregios dat usus. Ipsa aqua tenaces et crassos humores diluit. Hinc evenit, quod, obstructiones minimorum vasorum referando, fibrarumque robur intendendo, sterilitatem, et in abortus frequentes proclivitatem, percurent; unde liberorum orbitas est una e praecipuis causis salutiferos latices, tum calidos, tum frigidos, adeundi.

18. CAETERUM Thermae ob varia, quibus sca-  
tent, principia, longae morborum catervae meden-  
tur. In lepra, scabie, elephantiasi, et in omnibus  
cutis vitiis, a nimis rigidis aut obstructis vasis ori-  
undis, insigniter profunt; et interne adhibitae,  
dum eodem tempore celebratur externus earundem  
usus, egregiam spondent opem in hujusmodi ma-  
lis, licet ad omnia alia remedia sint rebellia. Men-  
sibus et haemorrhoidibus suppressis opitulantur. In  
arthriticis affectibus, modo non ad ipsius paroxys-  
mi tempora bibantur (tunc enim certo certius no-  
cent)

cent) multum valent. In scorbuto valde utiles sunt; nam sales solvunt, eorum acrimoniam permulcent, humores crassos diluunt, et obstructions referant. Etiam Thermae, quae mitioris indolis sunt, et nimium calorem non habent, potu exceptae in ulceribus internarum partium mundandis, et adversus hectica mala, et phthisin ipsam modo non jam diu duraverint, prodesse possunt. Hisce usibus inserviunt aquae tepidae Bristolienfes, quae et in Diabete sananda insignem famam adeptae sunt (y). In hujusmodi vero malis tractandis optimum videtur tales aquas lacte temperare; hoc enim puris acrem et vellicantem indolem quam maxime domat, et in cunctis morbis hecticis, ac omni phthisi, egregiam fert opem. Sane hanc aquarum naturalium, tum calidarum, tum frigidarum, cum lacte admistionem dilaudavit clarissimus Hoffmannus, eamque in multis casibus valde profuisse perhibet (z).

19. PORRO thermale aquae, ob blandum suum calorem, imbecilibus et infirmioris indolis hominibus magis accommodae sunt, in potu exceptae, quam acidulae, quippe ventriculum et intestina prae illis foveant, citiusque per primas vias cursum expediunt. Neque hisce, aliisve medicatis, a-

N

sint

(y) Vid. Randolph on Bristol-waters, aliosque.

(z) De connubio aquarum mineralium cum lacte longe saluberrimo.



sint calculum gignere ob terram calcariam, lapidosam, &c. quam harum nonnullae copiose admodum continent (a). Nam potius hunc praecavent, utpote tum spirituoso, quo scatent, principio, tum salium neutrorum, quos tenent, ope, ad fordes fabulosas ejiciendas vasa renum exstimulant. Verum equidem est stagnantes lacuum, paludumque aquas hocce malum, plurimaque alia epotas patrare; at hae gravissimae, omnisque spiritus prorsus expertes sunt; corruptis insectorum pisciumque cadaveribus, et nonnullis aliis immunditiis, inquinatae sunt; atque crassiores, et in multo majores particulas compactam, quam quaelibet medicamentorum fontium scatebrae, terram alunt. Quapropter inter has et illas quam maximum esse discrimen, apud omnes cordatos facile intelligitur.

20. INSUPER haud equidem ignoro quosdam negare aquarum, tum calidarum, tum frigidarum, virtutes ex ipsis principiis, quibus singulae scatent, probe colligi posse. Hi omnes in earum contenta inquisitiones vel omnino damnant, vel saltem nihili habent; et bona, quae praestant, experientia sola discenda, *totique suo composito*, uti loqui amant, tribuenda esse censent. Ast talia, ni fallor, Empiricum magis quam Medicum rationalem, Philosophum vero parum sapiunt. Conceditur quidem, vires medicamentorum experientiae solius ope imprimis compertas haberi. Verum enimvero cum  
jam-

(a) Vid. Lister de fontibus medicatis Angliae exercitat. ii. cap. 3.

jampridem quae eorum quamplurima in corpora humana agunt, sat perspecta fuerint, annon optimo jure inferre liceat ex aliis, quae datis principiis constant, talia expectanda esse, qualia ex illis ipsis evenire solitae sunt? Sane in arte medica experientia multum valet; hac tamen praemissa, etiam analogiae rerum, castoque ratiocinio propria sua laus non deneganda est. Haec inter se conjuncta optimam constituunt medicinam; unum ab altero disjunctum parum efficit.

---

*Alterius sic*  
*Altera poscit opem res et conjurat amice (b).*

21. RESTAT adhuc de modo thermales aquas bibendi, et cautelis circa harum usum internum, quaedam proferre. Optime ad ipsius fontis scaturiginem omnes medicatae aquae, ceu calidae, ceu frigidae sint, bibuntur. Nam alio deportatae, aut aliquamdiu sepositae, spiritum suum subtilem ac penetrantem, ut plurimum, amittunt, cui haud parva virtus ad morbos debellandos inest; hinc porro aqua ipsa inertior evadit, et non adeo facile corporis vasa percurrit, et, si terreis, aliisve crassis, particulis valde referta sit, damna nonnulla patrare potest. Hic igitur verissimum est illud Poëtae effatum,

*Dulcius ex ipso fonte bibuntur aquae.*

Nihilo

(b) Horat. de arte poetica, vers. 411.



Nihilo fecius aquae istae, quae spiritum suum diutissime servant, in ampullis probe obturatis reconditae, post aliquod tempus, et in diffitas regiones delatae, insigni cum fructu in medelam plurimorum malorum adhibeantur. Optimum aquas ipsas ad fontem bibendi tempus est matutinum; tunc enim spiritu copiosiore scatent. Quantitas a singulo aegro bibenda pro uniuscujusque speciali casu decernatur. Caveat quisque ne nimiam aquam ingurgitet; hinc enim ventriculi vires labefactabuntur, plurimaeque alia mala inde consequentur. Cum quisquam medicatos latices adeat, iis antea insuetus, potandi causa, primo mane bibat lib. i. vel lib. i. fs. vel, si aeger valde debilis sit, lib. fs. tantum; succedentibus diebus sensim pergat. lib. ii. lib. iii. vel lib. iv. bibere: et cum jam sat diu in harum usu perstitisset, sensim decrescendo ad primam quantitatem redeat; tum denuo potum absolvat. Post singulos haustus exceptos paululum deambulet aeger, vel alia quadam leni corporis exercitatione utatur. Quamdiu vero aquae quaevis bibendae sunt ad uniuscujusque aegri casum, prudente inito consilio, dijudicandum est. Hi enim iis diutius uti debent; alii earum potum citius ad exitum perducant.

22. Si sordes in primis viis delitescant, sicut saepe se res habet, antequam instituatur potus, adhibeatur lenis catharsis, ope rhei, tincturae sacrae, fennae, mannae, &c. vel salis cathartici amari, aut salis purgantis cujusdam fontis medicati: saepe etiam

iam prodest emeticum exhibere. Hac ratione noxiae materiae educuntur, quae alioquin cum aquis commixtae in vasa, et intimos corporis recessus deferentur, damnaque nonnulla dabunt. Verum caveatur a fortioribus purgantibus, quae nimium stimulum et aestum inducunt. Etiam si ipsae aquae catharticae quandam vim habeant, et foribus non valde repleantur ventriculus et intestina, parum refert aegro alia cathartica porrigere. Nonnulli quoque post aquarum potum consummatum lenem quandam catharsin suadent, ut ab intestinorum plicis auferantur particulae quaedam ab aquis ibidem depositae; sed an hoc alicujus sit momenti, necne, sane nescio. Aliquando, post potum institutum, et aliquot diebus celebratum, symptomata quaedam sese produnt, uti flatus, et pungentes dolores in intestinis apud hypochondriacas, nausea, et etiam vomitus ob mucum lentum et crassum, qui aquarum transitum impedit, capitis torpor, et ad somnum proclivitas, maculae in cute, et apud podagricos leves quaedam proprii morbi accessiones. At haec, modo non graviora evadant, neque medicum terreant, neque aegrum a proposito desistere faciant; nam plerumque sponte remittunt, et evanescent.

23. PLETHORICIS non adhibeatur medicatarum aquarum potus, nisi prius mittatur sanguis. Caveant hectici et phthisici, qui jam diutius aegrotaverunt, et vel pulmones magna ex parte exesos,  
vel



vel aliud quodcunque viscus ulceribus jampridem obfessum habent, a Thermarum, praesertim calidiorum, potu. Nocent etiam Thermae epotae in asthma convulsivo, et polypo cordis, in capitis, thoracis, vel abdominis jam confirmata hydrope, et in anasarca. Neque hocce medicinae genus a diuturno morbo convalescentibus aptum est: nam ob virium defectum, et languidum humorum progressum, vasa debilitata nimis replent aquae; unde non sat expedite per corpusvolvuntur, sed moram nectendo, eidem oneri sunt, et damnum inferunt.—Porro dum Thermae bibuntur, servandum est debitum victus et vitae regimen. Diaeta sit tenuis et moderata, ab usitata vero non multum abhorrens, concoctu facilis, et ad uniuscujusque aegri singularem casum, quantum fieri potest, accommodata. Valde prodest exercitatione, modo non nimia sit, uti. Libera concilietur perspiratio; et a vespertino frigidiori aëre quam maxime cavendum est. Menti autem prospiciendum est. Vitetur ira, cohibeatur affectuum impetus, omittantur meditationes intensae et studia, et prae aliis arceantur anxietates, animique angor.

24. DOLENDUM sane est naturales aquas, tum calidas, tum frigidas, quae praestantissima quaedam remedia, in plurimis morbis debellandis, praebent, unquam, nullo quidem ad diversorum casus debito respectu habito in aegrorum salutem adhibitas fuisse. Licet enim optime medicinae inserviant, non tamen

in omnibus morbis pari ratione profunt. Et quidem quorundam imperitia tam insigni medicaminis generi opprobria haud pauca fecit. Cautè, et imprimis prudenti consilio inito, harum usus institui debet. Singulis hominibus ipsa eadem methodus hæc aquas in potu accipiendi minime convenit. Et incautus istarum usus aliquando obest. Caeterum optime arti medicæ consultum erit, si hystoriæ quædam ægrorum, qui fontibus medicatis usi sunt, fideli calamo conscriptæ fuerint, in quibus notentur tum singulares horum casus, tum methodus bibendi unicuique magis accommoda, caeteraque omnia quæ ad pleniorẽ hujus præstantissimi medicinæ generis cognitionem utcunque facere possint.—Denique aliis rebus aquarum usui in consortium venientibus propria sua laus tribuenda est. Mutatum coelum, exercitatio corporis, avocatio mentis a malorum contemplatione, jucundaquẽ hominum societas, in plurimis morbis sanandis egregie valent. Si in rure admodum amoenò, optimoque aëre prædito saliat salutarifer latex, multa exinde ægris expectanda sunt commoda. Et sane, cum jam animo insiderit diuturnus moeror, totumque fere hominem occupaverint curæ edaces, aerumnaeque graves, si ve harum causæ sint ab ingenio improborum (tales enim in rerum humanarum pestem et fuerunt et sunt) mendacia, scelera, et fraudes, si ve aliam quamcunque sortitæ sint originem, nil melius ad proprios



propriis dolores leniendos quisquam efficere valet,  
 quam sibi optimos quosdam socios asciscere, grato  
 quorum colloquio delectetur, quorum facetiae, le-  
 pidi ac jocosī sermones, mentem a tristibus cogi-  
 tationibus quam maxime avertant.

## F I N I S.

**P** Ag. 6. not. lin. 6. post *ἔ* *αὐτῶν* *dele* comma.  
 P. 50. lin. 7. *leg.* illud.  
 P. 74. not. lin. 1. *leg.* Arminianos.